



天津交通銀行同
人俱樂部圖書室

駱文忠公奏稿卷五

起咸豐六年丙辰七月訖十二月

目錄

援江各軍會攻袁州鄂省援軍收復新昌上高進攻瑞州摺

湖北崇通股匪狂竄入境截擊獲勝摺

澧州石門奸民滋事勦捕完竣摺

勦辦潭源洞粵匪片

酌議抽收鹽稅章程摺

勸捐牙帖酌議變通辦理摺

遵保堪勝道府各員摺

覆陳周委員被參勸捐激變各情摺

駱文忠奏稿卷五目錄

出師他省傷亡卹賞請歸用兵各省支領摺

貴州東界民苗俱變添撥兵勇越境征勦摺

滙陳軍務繁難請旨敕撥協餉摺

援江官軍克復袁州分宜郡縣兩城摺

籌撥兵餉援勦江西吉安片


北路官軍越境勦賊獲勝摺

援黔官軍攻克三元坵三角莊逆巢摺

銅仁漸次肅清請敕黔撫遴員履任治理片

北路官軍肅清湖北通城崇陽蒲圻通山四縣回駐岳州摺

貴州銅仁府境肅清首逆擒斬楚軍凱旋摺



籌畫援剿貴州黎平情形摺

駱文忠奏稿卷五目錄

二

援江各軍會攻袁州鄂省援軍收復新昌上高進攻瑞州摺

咸豐六年

七月初九日

奏爲援江各軍疊獲勝仗見在會攻袁州鄂省所派援軍由萬載進剿收復新昌上高縣城進攻瑞州恭摺奏祈

聖鑒事竊援江官軍兩路疊獲全勝一徧袁州府城連破賊營一克復萬載縣城經臣奏明在案卽選道劉長佑自連破袁州城外賊營後賊急邀臨江安福萬載股匪助逆固守四月二十七日劉長佑三路出隊斃賊數十名五月初三日移營進駐洞里鋪初四日仍出隊誘賊出擊斃賊二百餘名因收隊時被伏賊抄截陣亡楚勇十八名外委劉祖貴力戰遇害十五日卯刻復分三路進剿

駱文忠奏稿卷五

一

選勁勇數隊過河挑戰而大隊排列河岸轟之賊甫出城列隊抗拒旋即漸漸縮退比官軍追擊近城則礮石火彈紛下如是者數次官軍乃佯敗誘之賊遽前追逐直過橋南大股賊從南門蜂擁而出繞下游沙灘過河圖抄河岸官軍之後卽選教諭劉坤一守備黃三清梁開國把總何魁甲張萬成及各百長等分途截擊斃悍賊各數十名其由沙灘過河者爲官軍所阻徧溺無算一執黃旂賊目麾餘賊力戰當經楚勇殺斃一執青旂賊目飛馳來援亦中礮倒斃餘賊仍徐徐收隊入城是戰約斃賊二百餘奪獲黃旂九面擡烏槍十餘杆偽印一顆賊憤爲袁州萬載官軍所挫思覓路繞出萬載之珠樹潭撲瀏勇營壘卽分由南界攻瀏陽由萍鄉

攻醴陵以絕援軍餉道約於十八日兩路賊會由洪塘前進萬載局紳舉人謝大舒等獲賊探李發林訊得其詳飛稟蕭啟江劉長佑而其時崇通南竄湖南之賊亦將薄瀏陽縣西界矣十七日劉長佑接洪塘坐探飛報洪塘已有賊蹤急派軍功崔大光把總張萬成何魁甲百長李德魁等帶勇疾馳是夜五鼓至洪塘近村崔大光等令諸軍飽食訖即分三路進逼洪塘街口天明賊正吹螺齊隊向珠樹潭進發崔大光急帶勇自嶺馳下大呼殺賊賊驚懼失措遽回旂走何魁甲帶勇截之街口張萬成橫擊之賊紛紛亂竄各勇盡銳衝殺十餘里斃賊四百餘名奪獲騾馬數匹器械旂幟無算劉長佑既派崔大光等要擊洪塘之賊即派隊分三路攻

路文忠奏稿卷五

二

袁州府城以牽制賊勢是日誘賊出戰亦斃賊百餘名二十五日賊訶知由崇通南竄之賊方犯醴陵意官軍必已回援遂分三路來撲營壘劉長佑部署已定令各營掩旂堅伏靜以待之賊疑官兵畱營者少鼓譟而前勢殊張甚前隊已薄外濠劉長佑開壁縱擊賊惶懼卻走崔大光張萬成及楚勇百長李明惠鄭金華郭成璋漆盛年劉世鵬翟國彥伍乾典等及袁州兵勇分路掩殺立斃長髮賊目數人賊大奔潰其陷入水田及墮落溪澗者盡爲官軍所殲追至城根始還是日斃賊三四百名奪獲檯槍七杆小槍十一杆木礮四尊大小黃旂二十二面刀矛火器無數二十六日復出隊攻城槍斃賊目三名餘賊百餘名六月初六七等日賊兩次

撲營均經擊退頗有擒斬十五日復率勇攻城斃賊二百餘名此袁州一路援軍攻城屢獲勝仗實在情形也蕭啟江等於克復萬載縣城之後瑞州新昌上高臨江之賊互相糾約誓圖報復分屯於縣東南北三面之洋橋斗門三百坵三處每處五六十將於五月初八日更番撲營復陷萬載萬載廩生黃槐密探以報蕭啟江與都司田興恕劉培元守備楊恆升商議分三路迎敵仍互相策應遇賊至某路則以某營爲正兵而某路爲接應是日北路及西北路賊先至直薄田興恕劉培元營壘田興恕劉培元開壁出擊蕭啟江親督湘勇三哨助田興恕戰北路楊恆升督長勝軍兩哨助劉培元戰西北路賊不能支均紛紛敗潰官軍分路抄擊橫截

賈文忠奏稿卷五

三

其尾薄之於河溺斃無數復渡河掩殺五里方收隊而返甫渡河而東路之賊至湘勇兩哨奮力迎擊以眾寡不敵卻走適田興恕楊恆升率勇而來橫衝入陣湘勇返旂復戰賊始敗退會蕭啟江劉培元亦續至與田興恕楊恆升策馬上山望此路賊來甚眾敗去者僅其前隊之二千許知大隊必將復來乃下令每哨百人爲一隊橫列一字嚴整以待賊近前則以槍礮齊轟之須臾賊大至呼譟之聲震動山谷官軍屹立不動賊近至十丈許始開放槍礮賊多斃者少頃復進官軍仍不動俟其近而復轟之如是者三賊乃潰走田興恕見賊陣腳已亂怒馬衝入賊陣刃賊二名生擒二名蕭啟江楊恆升劉培元等麾勇衝殺賊棄旂械狂奔自相蹂藉

斃者傷者不可勝計蕭啟江田興恕率勇追殺劉培元楊恆升折趨東南以防斗門之賊中途登山瞭視則黃旗招颺蔽塞平原相距僅三四里矣遂飛調防正南路之長勝軍湘勇前來助戰而蕭啟江田興恕旣擊退正東之賊亦適由此路而來賊見官軍四集無心戀戰劉培元楊恆升等麾勇衝殺各營乘勢左右縱擊此股賊亦敗遁蕭啟江等率勇追賊而分長勝湘勇六哨及李審言率領親兵轉旂而南以勦南路之賊賊不知各路之已敗也猶燒茅屋作烽煙爲號官軍伏樹林靜以伺之賊蹤甫近官軍從樹林突出擊之立斃前隊賊數十賊大駭狂奔適蕭啟江田興恕等追賊收隊至遂共追數里而還是戰賊以五路先後沓至人數四倍官

駱文忠奏稿卷五

四

軍幸次第奮擊一日四戰克獲全捷共計斃賊一千數百名內有滿髮賊目十餘名生擒兩司馬潘原見等二十餘人奪獲大小旂幟數十面擡槍三十杆小槍十五杆銅礮一尊騾馬十匹子藥十桶刀矛籐牌雜械無算自是賊不敢復撲官營會由崇通南竄之匪偏近瀏陽縣西界賊意萬載官軍必回顧瀏陽十八日賊復糾集各處股匪及臨江分宜上高之賊屯集斗門江南八角亭均約以月出前進至黎明齊撲官軍營壘蕭啟江等偵知之令各營募食以待十九日天甫曉重霧迷濛咫尺不辨湘勇於南路出隊伏於樹林突與賊遇隨開槍轟擊蕭啟江急率勇出營從槍聲響處助戰三路混擊不知勝負其由東南路出者亦與賊遇但聞喊聲

震天不辨賊之多寡蕭啟江督勇縱橫衝突逾時之久賊始敗潰而天亦晴朗隨率勇窮追直抵江南八角亭燒其營壘四座田與恕率勇出正東路與幫辦百長杜家星劉義方楊巖寶劉桂堂等五馬齊馳衝入賊陣田與恕連刃三賊百長楊巖寶帶傷墜馬田與恕急揮刀搶救而右臂忽爲賊矛穿透杜家星急挺矛格拒又被賊矛刺傷右膀劉義方劉桂堂等均中礮子正危急間適把總沈宏富等督虎威軍齊呼衝殺而至奮力格鬪賊始敗退楊恆升在北路聞東路鼓聲甚急遂分長勝軍兩哨防北路親率四哨馳起東路見賊已敗走遂從左繞道抄截斃賊百數十名劉培元率勇由東南路馳至適賊經各營擊敗將歸遂橫截而出轟斃賊匪

駱文忠奏稿卷五

五

百餘名躡蹤緊追直逼賊營賊閉壘固拒頃刻各營追賊俱到四面環攻立將賊營燒燬斃賊甚多午刻始收隊回營計其斃賊千餘名生擒三十九名奪獲大小旗幟八十三面擡槍十八杆小槍十四杆馬三匹刀矛無算而外委杜家星歸營後旋以傷重殞命據生擒賊匪供稱是戰僞將軍徐姓及賊目潘姓張姓羅姓均經陣斬其在臨江邀來之僞將軍易姓亦負傷而逃惟僞東王楊秀清以湖南援江之兵甚勁自金陵發悍賊一萬令僞國宗楊義清楊輔清李大華等率之自安慶九江以趨瑞州不日可到蕭啟江等議按兵候之六月初三日接廩生黃槐等密報僞國宗楊義清果自金陵擁賊一萬并合各股敗匪前隊已至距萬載縣城三十

里之帶塘地方將由東路東南路來撲官軍營盤初五日卯刻蕭啟江等登高望之見南路十餘里石灰嶺一帶賊旂颺颺排列一字勢如長蛇而東路未見賊蹤楊恆升劉培元已由小南門繞山而進蕭啟江急令湘勇兩哨從右接應撥湘勇兩哨及把總黎得盛已革千總伍化蛟等所帶鳳字勇由中路緩進俟楊恆升劉培元所部勇到始合力擊之賊見從右接應之湘勇人數尙單卽搖旂猛撲而來湘勇奮力抗拒而大股賊忽從田隴蜂擁而至勢正不支適楊恆升帶勇飛馳由田隴橫截而出劉培元又帶勇從山坡馳下縱橫衝突賊鋒始挫乃四散狂奔楊恆升等率勇追逐二十餘里直抵柏木地方始收隊回營是戰共斃賊二百餘名生擒

駱文忠奏稿卷五

六

李德盛等二十六名奪獲大黃紅旂二十七面擡槍鳥槍二十六杆賊轎一乘馬八匹刀矛雜械數百件此萬載一路勦賊屢獲大勝之實在情形也是時鄂省所派援江之同知銜曾國華知縣劉騰鴻參將普承堯同知吳坤修等亦經臣札飭由瀏陽馳抵萬載縣城軍威更壯六月初九初十等日蕭啟江等帶勇出隊搜勦東南路餘匪斃賊十餘生擒三人奪獲大銅礮兩尊曾國華等由斗門田心等處勦賊亦頗有擒斬擬遂由洪塘進攻新昌上高以擣瑞州蕭啟江楊恆升劉培元等遵檄助攻袁州府城而以田興恕一軍畱防萬載十八日駐營石柘鋪十九日蕭啟江等前隊甫至登龍橋卽遇袁州賊三四千自城中迎拒蕭啟江督各營前隊衝

殺賊敗回城袁城外秀江三面環之賊於秀江橋上砌石爲壘層
安槍礮石壘有門甚狹以鐵皮包裹守禦甚固賊擁擠爭渡蕭
啟江督勇薄之刺斃溺斃無算楊恆升與劉培元麾勇前進城上
槍礮與橋上槍礮齊發各營扛劈山礮對轟苦戰經時卒不能過
蕭啟江密令收隊賊復從橋上撲出各勇折轉返鬪如是者三計
斃賊三百餘擠溺橋下者無數可紀奪獲大小旂幟二十九面擡
槍三杆小槍五杆陣亡勇丁兩名受槍礮傷者二十餘名收隊後
卽移營距城七里許之土嶺二十日劉長佑督勇三路與蕭啟江
會合攻城賊固匿不出官軍收隊時忽悍賊數百從南門突出楚
勇百長李明惠鄧在富返旂轉鬪百長李光祝率勇從鳳凰嶺截
出斃賊數十楚勇追殺至南門生擒熊貴秀曾啟勝等五名奪獲
擡槍五杆連日環攻賊負隅不出縱出亦僅數十人俟官軍追近
城根則火彈槍礮齊施不能得手惟二十七日一戰賊悉銳出東
門南門劉坤一督楚勇左右遮截斃賊約二百餘內有賊目二名
而官軍之受傷者約四十餘名陣亡者數名皆槍礮火器傷也會
國華劉騰鴻普承堯等於六月十七日進攻新昌之方塘斃賊二
百餘生擒九名奪獲刀矛烏槍三百餘件大小旂幟三十餘面十
八日乘勝進攻新昌城賊之大隊已遁一鼓拔之奪獲火藥二千
斤銅礮二尊二十五日趨上高劉騰鴻普承堯等分兩路進守城
之賊洞開城門計俟官軍入城以巷戰拒之劉騰鴻等先分隊截

其出路直入城中連斃悍賊二名賊遽駭走官軍合隊追之斬其扛礮之賊而奪其礮賊由浮橋狂奔前隊擊之賊梟水過河官軍兩路合進共斃賊百餘名奪獲銅洋礮二座鐵洋礮二座旂幟擡槍鳥槍刀矛無數及子藥火彈噴筒共十餘石遂復上高縣城聞各路敗賊萬餘均聚踞瑞州府城官軍已於二十九日拔營前進此又蕭啟江等由萬載移營會攻袁州府城曾國華等由萬載克復新昌上高兩縣城直擣瑞州之實在情形也臣維逆賊自金陵起事以來每遇雄師則圖踞堅城老之蓋以攻之百不及守之一客之勞不如主之逸也賊憑堅城用大礮而將士以血肉之軀當之驍勇者以避賊爲恥往往冒險仰攻畢命於丸彈之下而於賊

駱文忠奏稿卷五

八

究無所損且一軍精銳幾何折損既多士氣自挫若徒以攻堅爲能而不思變計恐適墮奸術仍於事無裨也臣前以江西西路之賊全注萬載袁州值鄂省援江之師追崇通股匪來長沙臣以江西盼援甚急飭卽由萬載趨新昌上高以擣瑞州蓋竊計賊方注意袁萬瑞州之防必疏似可爲批亢擣虛之計且江西與湖南道路梗阻已近半年閩浙廣三省援師尚未會集局勢絕少轉機若不及早疏通勢將坐困而瑞州水陸距江西省城均不過百數十里彼處近省賊蹤尙稀如果瑞州速下則西與袁州萬載兩路聲息可通官軍往來相機雕勦當可收漸次廓清之效但猾賊詭計多端若悉力穩踞瑞袁兩城官軍專務攻堅與之死鬪似非所宜

臣擬飭諸路一面相機搜剿將旁近股匪次第殲除賊如出城援應即可乘機痛剿儻仍負固一城則枝葉彫枯本根亦當自萎似亦反客爲主致人而不致於人之一說也至袁州萬載兩路援軍已增至八千有餘閱時半載前後共獲三十餘捷在事文武實屬不避艱險著有微勞而兩月以來酷熱異常將士冒暑力戰備極辛苦帶勇各員往往有收隊回營倒地直臥暈悶不省人事者殊堪憐念前此克復萍鄉萬載曾奉

恩旨准臣開單保奏見正一一稽查務期核實所有最爲出力人員謹先保數名可否仰懇

天恩予以獎敘以勵軍心卽選同知蕭啟江謀勇兼資每戰匹馬

略文忠奏稿卷五

九

當先不避艱險請以知府歸部卽選教諭劉坤一督勇衝鋒膽識俱壯請以知縣歸部卽選并

賞加同知銜花翎都司田興恕每次匹馬陷陣必擒斬數賊始歸屢受多傷幸卽平復英勇絕倫兼明方略請以遊擊畱於湖南補用并請

賞給勇號藍翎守備楊恆升軍令嚴肅膽識最優屢次克獲奇捷請以都司畱於湖南卽補

賞換花翎花翎都司劉培元軍務明練人亦勇敢請以遊擊升用先換頂帶藍翎外委崔大光膽技俱優請以千總拔補并加守備銜藍翎守備黃三清隊伍整齊樸實勇往請以都司補用

賞換花翎陣亡之外委劉祖貴因傷殞命之藍翎外委杜家星并
懇

天恩敕部從優議卹以慰忠魂此外出力員弁兵勇容卽核明開
單保奏伏候

皇上訓示施行謹 奏

硃批另有旨欽此

咸豐六年七月十八日內閣奉

上諭駱秉章奏赴援江西各軍疊次勝仗并湖北援軍收復縣城
見籌進攻情形一摺湖南赴援江西官軍自克復萬載進徧袁州
後該逆急邀臨江安福各股匪負嵎固守五月十五日卽選道劉

駱文忠奏稿卷五

十

長佑分三路進剿官軍佯敗誘敵大股賊從南門蜂擁而出卽選
教諭劉坤一等分途截擊斃執旂賊目二名約斃悍賊二百餘名
過河之賊偏溺無數十八日賊由洪塘欲向珠樹潭撲瀏陽勇營
壘軍功崔大光等帶勇衝殺十餘里斃賊四百餘名奪獲器械旂
幟無算劉長佑卽派隊分攻袁州府城以牽制賊勢亦斃賊百餘
二十五日賊分三路來撲營盤劉長佑開壁縱擊斃賊三四百名
二十六日至六月十五日疊次攻城斬擒賊匪數百名其瑞州新
昌上高臨江之賊互相糾約欲圖復陷萬載經同知蕭啟江與都
司田興恕分路迎敵賊紛紛敗潰落河淹斃者無算我軍渡河掩
殺而東路之賊至湘勇反旂復戰賊始敗退田興恕衝入賊陣刃

賊二名生擒二名賊狂奔蹂藉傷斃不可勝計其東南斗門之賊以被衝擊敗遁南路之賊亦經伏兵擊退共計斃賊一千數百名生擒偽官二十餘名奪獲旂幟槍礮多件其由崇通南竄之匪復糾集股匪齊撲官軍營壘蕭啟江督勇衝突賊始敗潰我軍追抵江南八角亭燒其營壘四座田興恕帶傷力戰把總沈宏富等衝殺奮擊都司劉培元守備楊恆升分道馳至各營追賊俱到四面環攻立將賊營燒燬共斃賊千餘名生擒三十九名六月初五日南路石灰嶺一帶賊眾來撲楊恆升等飛馳衝突賊四散狂奔共斃賊二百餘名生擒二十六名其同知銜曾國華等已由瀏陽馳抵萬載縣城遂同蕭啟江等由洪塘進攻新昌上高以擣瑞州十

賂文忠奏稿卷五

七

九日前隊至登龍橋袁州賊自城中迎拒經各營衝殺賊敗回城六月十七日曾國華等進攻新昌之方塘十八日乘勝進攻新昌縣一鼓拔之二十五日直趨上高知縣劉騰鴻等直入城中連斃悍賊遂復上高縣城此次援江各軍連克縣城勦辦尙屬得手著卽乘勝進攻盡殄醜類卽選同知蕭啟江著以知府歸部卽選卽選敎諭劉坤一著以知縣歸部卽選并賞加同知銜守備楊恆升著以都司畱於湖南卽補并賞換花翎都司劉培元著以遊擊升用先換頂帶外委崔大光著以千總拔補并賞加守備銜守備黃三清著以都司補用并賞換花翎陣亡外委劉祖貴因傷殞命之外委杜家星均著交部從優議卹其餘出力員弁兵勇准其查明

保奏候朕施恩欽此同日內閣奉

上諭駱秉章奏赴援江西各軍克復新昌上高縣城打仗出力人員請量加獎敘等語都司田興恕著以遊擊畱於湖南補用并賞給尙勇巴圖魯名號以示鼓勵欽此

駱文忠奏稿卷五

湖北崇通股匪狂竄入境截擊獲勝摺

咸豐六年七月初九日

奏爲湖北崇通股匪狂竄入境官軍截擊疊獲勝仗餘賊奔逸出境見籌防勤情形恭摺馳奏仰祈

聖鑒事竊湖北崇通股匪自竄攻通城卽選道江忠濟陣亡後賊勢日張該逆圖竄蒲圻擾新隄以斷鄂軍餉道適鄂省派援江西之同知銜曾國華知縣劉騰鴻參將普承堯等各營自咸甯奄至中途擊賊疊獲勝仗追至崇陽賊遁回通城又糾合江西義甯州境另股賊匪潛由平江巴陵通城交界之月田等處竄入湖南五月十二日由僻路徑撲湘陰縣之長樂團臣於十四日得報卽飛調駐岳防守之都司余星元千總洪定陞等率所部兵勇由岳州

路文忠奏稿卷五

三

拔營追賊賊將由新市轉趨平江聞平江有備遂由長沙之尊陽都趨瀏陽抵焦溪嶺下臣前委赴瀏陽督辦團練之外委高峻集團扼險以待賊不敢犯臣又飭管帶長勝軍之甘肅洪廣營遊擊補用參將萬年新陝西舊洮營都司侯光裕率新練兵勇由長沙徑趨瀏陽截之賊偵知追兵將到而瀏陽不可犯星夜由普蹟市竄醴陵縣臣以此股竄匪飄忽叵測揣其詭計將由瀏醴以牽動袁州萬載援江之師斷其餉道使援軍腹背受敵可乘我之擾亂逞其狂謀雖人數多至數千隨處裹脅號稱萬餘然所由皆山僻小路晝夜狂走不敢徑撲城池其無能爲亦可概見遂嚴飭萬年新余星元兩軍躡蹤緊追而飭千總洪定陞率所部兵勇一千二

百名仍回岳州以重北路之防飭卽選道劉長佑卽選同知蕭啟江等嚴軍袁州萬載防其突出掩襲仍按兵勿動徐觀其變適會國華普承堯等由通城平江至長沙臣卽飭其率各營仍由瀏陽出江西攻新昌上高以擣瑞州俾蕭啟江得以移師助攻袁州庶賊之詭計不行而官軍之聲威益壯又慮萬年新余星元等兩軍尙單遂撤省防千總彭定太帶所部長勝軍兵勇七百名徑趨醴陵與之會合五月二十三日戌刻萬年新侯光裕等追至醴陵賊卽夜由醴陵竄攸縣界二十四日辰刻適臣調回醴陵之駐防鸞山把總蔡呈祥言秀山等一軍六百人行至棕洲恰與賊遇賊欺官軍勢單併力攻撲言秀山率前隊勇三百遽與之戰殺賊八十

駱文忠奏稿卷五

西

餘名奪獲旂幟刀矛百餘件蔡呈祥率勇繼至施放槍礮轟斃多名忽賊大隊四路抄擊蔡呈祥被賊刺傷胸膛左骹并陣亡勇丁十餘名勢漸不支乃斂軍徐退已刻萬年新侯光裕之兵追及石灰鋪賊仍列隊抗拒把總向顯章安長慶張武魁滕加揚等分三路并進鏖戰兩時萬年新侯光裕督大隊從中路衝殺連斃執旗賊目數名賊始敗走乘勝追殺二十餘里至黃土嶺共斃騎馬賊二十餘名長髮賊二百餘名奪獲大小黃紅旂五十四面長矛一百一十五杆大小刀二十八把擡槍四杆鳥槍二十四杆火箭二十九枝火藥九桶鉛子半桶馬二十餘匹拔出沿途裹脅難民二千餘名賊遂由攸縣大路竄去是日余星元彭定太兩軍繼至會

合前進二十六日抵攸縣北之烏鴉坪探報賊正擄船筏搭造浮橋是夜五鼓萬年新侯光裕余星元彭定太等分三路并進甫至河岸見賊眾紛紛由浮橋爭渡遽大呼馳擊刺斃長髮賊數百名擠溺河中者約千餘名被裹之難民亦多溺斃者已過河之賊遽將浮橋拆斷官軍鼻水過河衝殺斃賊數十因水深湏急兵勇之不善水者溺斃八名後隊遂止惟隔河開劈山礮遙擊斃賊亦多是役共奪獲擡礮十餘尊鳥槍三十餘杆大小旂幟百餘面偽印七顆籐牌刀矛無數生擒長髮賊三十餘內有賊目數名其被官軍擊敗潛逃由衡山草市司攸縣醴陵縣搜捕正法者五十餘名由官軍陸續搜獲及鄉團細送者百數十名拔出被擄難民三千

駱文忠奏稿卷五

五

餘人餘賊紛由茶陵州大小路逃逸適大雨如注河水驟漲民船預避下游追兵未能徑渡管帶湘勇駐防茶陵之知府銜卽選同知趙煥聯分撥湘勇在蘇家壩潞水周陂等處截擊共斃賊數百比萬年新余星元等六月初二日追至茶陵州餘賊已從九路冲竄出江西蓮花廳界矣據陣擒活賊口供此股賊目卽前破通城之偽檢點何姓等因攻蒲圻屢爲鄂省援江官軍所敗轉由崇陽竄通城義甯糾合賊黨數千與江西賊目密約由僻徑突犯湖南邊界以牽動援江袁萬兩軍乘勢由瀏醴竄出江西以取腹背夾擊之勢其用計殊爲險毒江西賊自經袁萬兩軍屢次痛剿之後已負隅不出當此賊竄至瀏陽邊界時斗門田心盧家洲之賊卽

撲萬載蕭啟江營當此賊竄至醴陵袁州城內之賊卽撲劉長佑營其彼此聲息潛通已可概見幸已預燭其奸援江兩軍未爲牽動反因賊來撲營俱獲全勝而曾國華普承堯劉騰鴻等各軍又續由瀏陽出江西軍威更振萬年新余星元彭定太等將此股竄匪連次追擊克挫兇鋒惟賊目逃出江西勢必糾合江西蓮花廳永新永甯安福等處賊匪潛窺邊界臣已飭萬年新余星元等暫駐茶陵之大田趙煥聯分軍駐高隴并調千總彭定太所帶兵勇七百暫回駐萍鄉醴陵交界之楚東橋均飭勤發偵探覘賊所向併力截勦本省境內仍安堵如故至此股賊匪突竄入境晝伏夜行勢極颯忽鄉村各團因一時倉卒未及防範受害甚多黃土嶺

駱文忠奏稿卷五

三

攸縣兩捷拔出難民爲數雖近五千然被賊驅脅出境者尙恐不少臣見飭在事文武分別安集遇被擄逃出者妥爲護送毋俾失所查賊自醴陵攸縣竄過時署醴陵縣知縣崔斌署攸縣知縣德鈞旋卽督團收復并拏獲竄匿餘匪多名正法該兩縣并無城垣應請

旨將署醴陵縣知縣崔斌署攸縣知縣德鈞革職仍畱原任以觀後效所有此次追賊出力之將弁兵勇酷暑遊征備極辛苦可否由臣彙入邊界各州縣防勦出力案內酌保數名之處出自

天恩謹據實陳奏伏乞

聖鑒訓示施行謹 奏

硃批崔斌德鈞均著革職畱任此次出力之將弁兵勇并准其彙
保欽此

駱文忠奏稿卷五

七

澧州石門奸民滋事勦捕完竣摺

咸豐六年七月初九日

奏爲澧州石門奸民藉團滋事見在勦捕完竣首要各犯均已拏獲正法地方一律肅清恭摺奏祈

聖鑒事竊湖南澧州地居荊州常德之間自咸豐四年逆賊竄過之後民間籌辦團練一時轉弱爲強其公正紳團固皆兢兢守法相庇以安而貪狠駭戾之徒則好勇疾貧往往恃眾逞強肆行無忌上年澧州津市籌辦抽釐卽有奸民譚成祚糾眾阻撓搶毀富紳吳經采等數家之事屢經嚴飭查拏尙未獲案而州屬燕子山匪首陳正卯牙前寺匪首陳庭傑櫻桃岡匪首陳緒儒與湖北松滋縣匪首彭生科卽彭連甲等自號窮團又名忠義團樹立旂幟

駱文忠奏稿卷五

五

揚言劫富濟貧勒典減息勒田主減租勒增雇工工價煽誘南北窮民陰懷不軌四月二十一二十二等日焚搶澧州及湖北松滋公安交界各處村莊署澧州知州鄒道莖聞報馳至張家廠督飭團紳嚴密掩捕適公安縣軍功王開瑞松滋縣監生蘇材等泣請救援鄒道莖卽飭團總曾浴春伍卿一黃學濂何定山胡大經等各挑練丁數百會同王開瑞蘇材赴三聖廟相機圍捕該匪等膽敢恃眾抗拒當將匪目鄧祖烈格斃奪獲大小礮六尊擡槍二杆火藥二百餘斤該匪等退踞八角祠紙廠河有煽連兩省匪徒互相援應牽制官兵之謠鄒道莖請飭提標九谿營兵嚴裝聽調臣以澧州各團良莠不分其獷悍無賴之徒藉團誘聚愚民箝制良

善若不厚集兵力速加懲創誠恐滋蔓日久良團勢孤且將屈而
從匪非可徒藉虛聲以資鎮壓當卽飛調守備張萬書熊興柏等
帶卅部健勇卅勇馳赴澧州又慮該守備等一時難以速到更加
調都司滕遇春等挑選提標及常德協精兵赴之一面密飭岳常
澧道桂亮署澧州知州鄒道堃迅速聯絡公正勇幹士民齊心剿
匪許以論功獎敘以作其氣務將首要各匪一律擒斬不准藉安
撫爲詞草率了事致貽後患鄒道堃卽與澧州參將祥慶商派把
總榮年芳等管帶營兵順林巡檢汪榮督同團紳曾浴春勇目譚
甸邦管帶團勇於四月二十九日進剿入角祠之匪行至舒家橋
有匪數百蜂擁迎拒兵勇奮力衝殺陣斬執旗騎馬匪目各一名

駱文忠奏稿卷五

九

而奪其馬餘匪辟易隨躡追至八角祠適松滋縣軍功王開瑞
等帶領團丁二千餘人由北路趕至併力夾擊陣斬匪黨三十餘
名生擒僞軍師許理耕僞千長鄧顯其及汪順華李青雲彭大寬
熊和尚王缺牙等二十餘名奪獲大小黃旗十餘面擡礮鳥槍多
件火藥數十斤匪首陳正卯時踞澧州之燕子山恃險抗拒匪首
陳庭傑率餘黨前往會合石門縣匪首陳緒儒賈澤柱等亦糾匪
數百將由櫻桃岡出澧州王家山相爲犄角而上年阻撓抽釐主
搶數家之逸匪譚成祚亦潛竄莒蒲峪圖與陳緒儒合股勢頗囂
張鄒道堃馳至王家廠飭團紳呂必榮王宏望等會各團捕獲匪
目彭傳觀密委順林巡檢汪榮汛把總周宗翼約會附近團紳

將該匪譚成祚擒獲正法其由櫻桃岡竄入股匪經澧州石門各團紳皮道和等迎頭截擊斃匪目羅興惠及著名齋匪劉大章鄒順禮等數十名生擒六名奪獲大礮二尊擡槍兩杆偽印三顆刀矛百數十件燕子山盤互數十里介乎松滋澧州石門之間洞壑幽深路徑險雜各匪恃爲負隅之所鄒道堃分派各文武委員及各紳團一一密爲布置五月初八日署提標參將都司滕遇春率兵由燕子山後真武殿進團紳譚兆元譚羽儀等帶團丁從之署澧州參將祥慶率本營弁兵由燕子山前普安寺盧家河進團紳陳子謂胡森甲孫得昌戴世肖彭君恩王孫黻等從之候選鹽提舉吳經邦捐募練勇二百名隨征武舉盧三友文生盧步雲等爲

賂文忠奏稿卷五

三

之嚮導匪首陳正卯見官軍環逼退踞龍洞峪紛擲木石圖抗官軍兵勇冒險蹂附而登槍斃執旂匪目一名刺斃匪黨八十餘名生擒夏添表等四十餘名奪獲大紅旂兩面藍白旂各一面大礮一尊鳥槍二十餘杆刀矛八十餘件匪眾翻山亂竄官兵緊追團總貢生劉凌霄監生劉鴻達等首將陳正卯及匪目唐開藻擒獲各營兵勇復擒獲匪目鄧世運卽王士太等三十餘名連日復經各團捕獲著名逸匪譚紹書張明訓高大文盧文卜劉義周盧文錦汪先退汪希樹盧尙玉晏人佑賈澤柱高德和等三十餘名脅從之匪立卽解散旋據石門縣知縣劉耀黎稟報六月初十日會同官紳於剝頭巖捕獲匪首陳緒儒及要犯劉永國張學禮署湖

北監利縣知縣史維基稟報六月十一日於縣屬姚家集地方協獲匪首陳庭傑而澧州藉團聚眾謀逆匪首始次第就擒伏法無一漏網通計兵勇臨陣殲斃者三百二十餘名生擒正法首要各犯六十餘名零星逸匪仍飭印委團紳查緝細獻其被脅未曾隨同抗拒官軍者均飭各團紳族長嚴行約束地方一律肅清臣維團練爲禦寇良法良民藉以自衛莠民卽因以爲奸非乘萌櫟初生之時臨以兵威使良團有所恃以無恐則良民之氣沮莠民之燄張辦理更形掣肘此次匪首陳正卯等滋事之始頗有以該匪人眾勢橫爲疑議及安撫者臣以好勇疾貧爲作亂之本勇敢強有力者用之爭鬪則爲亂人是固刑戮所必加而

駱文忠奏稿卷五

三

國典所不容寬也當卽調兵赴澧追勦并飭嚴拏首要各犯務絕根株比據該州呈閱各犯供詞其詭謀祕計原擬五月十三日起事突襲荆澧以犯長沙不料彭生科先期焚搶致奸謀大露要約未定遽爲官兵所乘狂悖至此實堪髮指幸在事文武官紳戮力同心辦理妥速將首要各犯全數擒誅得弭異變署澧州知州鄒道莖督辦此案深協機宜可否請

旨賞換花翎以示優獎其出力之員弁紳民可否由臣核實保奏以資激勸之處出自

天恩謹恭摺馳奏伏乞

聖鑒訓示施行謹 奏

硃批另有旨欽此

咸豐六年七月十八日內閣奉

上諭賂秉章奏奸民藉團滋事勦捕完竣一摺湖南澧州等地方有奸民譚成祚陳正卯等藉團練爲名煽誘窮民肆出焚搶署澧州知州鄒道莖督飭團紳嚴密掩捕匪等退踞八角祠經賂秉章調派兵勇密飭岳常澧道桂亮等督兵進勦前後殲斃匪黨二百二十餘名生擒六十餘名謀逆匪首以次伏法地方一律肅清辦理尙爲妥速鄒道莖著賞戴花翎以示優獎所有出力員弁紳民著該撫核實保奏候朕施恩欽此

勦辦潭源洞粵匪片

咸豐六年七月初九日

再廣東賊匪自上年竄入湖南經官軍痛勦首逆伏誅之後餘匪被勦竄逸由連州之牛崽營回竄陽山乳源一帶糾聚日眾兇焰忽張卽選道王鑫由江華追賊過連州東陂觀又從東陂過連州會同連州兵勇痛勦竄踞連州西岸股匪又從連州過陽山勦青蓮墟竄匪殺賊甚多餘匪退竄英德縣之大灣地方王鑫因病引還臣以此股賊匪屢經痛勦計死灰難以再然而桂東酃縣茶陵各州縣與江西吉安南安兩府毗連逆賊時窺邊界因調帶勇駐防宜章之參將李輔朝撤防赴酃防勦五月初二日該參將行抵郴州卽據探報廣東大灣餘匪復竄連州牛崽營比卽帶勇三百

賂文忠奏稿卷五

三

名於初四日趕回宜章防勦而撥勇七百名赴酃十一日李輔朝馳抵連州界之潭源洞潭源洞居楚粵之香山南之水入粵山北之水入楚千巖環峙聳入雲霄古名黃岑嶺卽五嶺之一也洞故少土著之民有田可耕而地氣高寒歲收歉薄惠潮嘉應窮民取煤造紙搭寮居住者數百千戶奸民往往藏匿其間李輔朝因其地距牛崽營最近遂帶勇入洞據之進扼佗子角要隘一面飭洞中居民速辦團練以清內匪十五日賊眾數千自牛崽營前來撲營李輔朝督勇轟擊刀矛并進斃賊七八十名奪獲擡槍六杆大小旂幟二十三面刀矛四十餘件藤牌十餘面甫收隊而洞中土匪忽蜂擁而至李輔朝以眾寡不敵且戰且退陣亡勇丁十餘名

賊旋踞潭源洞臣飭補用府經縣丞海瑛募勇三百把總齊福珍募勇五百郴州千總蕭紹鈴募勇五百助防宜章一路藍翎軍功張聲訓募勇五百助防臨武一路仍以時互相策應隨賊所向擊之務將潭源賊匪掃除淨盡以奠邊圉并飭赴鄰楚勇七百名仍回宜章以厚其勢二十一日洞內賊目黃聲洪率賊七八百竄至小水李輔朝麾勇擊之生擒黃聲洪正法斃賊數十生擒八名奪獲大小旂幟十杆籐牌四面擡礮五杆二十八日賊匪四五千撲文珍洞署宜章縣知縣李逢春參將李輔朝補用府經縣丞海瑛督勇分三路進剿斃賊數十賊遽潰退六月初七日賊匪數百往掠油田官軍仍三路剿之亦斃賊數十名十二日卯刻賊復攻撲鐵

賂文忠奏稿卷五

五

矢坳官卡圖竄楚疆李輔朝李逢春督勇從三水沖鐵矢坳截擊陣斬偽大司馬周姓一名餘賊數十海瑛帶勇同署宜章營參將鍾萬陞從小路抄至亦有斬擒賊見官軍四集知勢不支遂紛紛潰走官軍進逼文珍洞卽駐營其中密約宜章三堡及莽山各團於十六日子刻同時進剿十六日官軍由文珍洞前進賊已將要路掘斷官軍橫木架梁而過黎明齊抵雷神塘見對嶺有賊數百據險結營遽前薄之轟斃執旂賊數名賊遂駭走李輔朝李逢春督勇緊追海瑛亦從華塘攻入賊并聚潭源洞老巢連開大礮子母礮向官軍轟擊百長鄧福新王福元全其政陳飛熊黃玉書李尊祿等冒險衝入賊陣數伏數起立時將大礮奪獲郴勇段發魁

殺斃騎馬賊目而奪其馬賊眾膽落退駐澗東適團紳吳延庚江銀燾周樹棠黃道傳劉道南廣勇百長曹福勝等由小東坑殺來賊遂拋棄旂幟滿洞狂竄官軍見賊卽斫其斃賊三百餘生擒百餘溺死跌死者無數餘匪翻山四竄官軍追殺二十餘里沿途斃賊復數十名共計奪獲大礮四尊大小旂幟百餘面擡烏槍六十餘杆籐牌三十餘面刀矛雜械不計其數焚燬賊營四座賊柵五百餘間潭源洞一律肅清李輔朝畱駐搜捕督辦團練探報另股賊匪竄撲乳源縣宜章南界又形喫緊齊福珍蕭紹鈴募勇已齊卽與海瑛移駐艮口梅寮一帶相機防剿臣以潭源股匪旣經剿散而宜章勇力漸厚已札調李輔朝赴鄱聽候調遣所有勦辦潭

賂文忠奏稿卷五

五

源洞粵匪情形謹附片陳奏伏乞

聖鑒謹 奏

硃批知道了欽此

酌議抽收鹽稅章程摺

咸豐六年七月初九日

奏爲遵

旨酌議抽收鹽稅章程恭摺具奏仰祈

聖鑒事竊自粵氛竄擾長江淮運中梗湖南例食淮鹽各州縣民
虞淡食先經前撫臣張亮基具奏請借撥粵鹽接濟嗣因粵省官
鹽價值昂貴借引不行經戶部於咸豐三年奏准此後湖南湖北
應仿明臣王守仁設廠抽稅之法凡川粵鹽斤入楚無論商民均
許自行販鬻不必由官借運惟擇楚省通私隘口專駐道府大員
設關抽稅或將本色抽稅或合折色輸納均十取一二以爲定制
一稅之後給照放行由各省妥議章程權宜辦理此項鹽斤既不
在本省引地銷售應令減半完交正課其商支外款不得絲毫攤
派以輕成本又准戶部咨湖南之郴桂等州向爲粵鹽浸灌若不
講求抽稅之法鹽利歸私豈非可惜據廣西撫臣勞崇光奏議抽
鹽稅章程內稱粵鹽赴楚要路應如何設關抽稅應由楚省督撫
妥議奏辦各等因奉

旨依議欽此咨行到臣維時粵匪疊次擾及邊疆未能卽時籌辦
復經戶部疊次奏奉

諭旨敕催妥議章程經臣欽遵行據前署鹽法道裕麟會同藩司
文格酌議每鹽一包暫抽錢七百元稟覆由臣飭委候補知府師
映垣候補知縣李熾福前往郴州宜章二州縣擇要設卡試辦抽

稅正擬繕摺覆奏接准兩廣督臣葉名琛咨據樂桂埠商稟稱樂桂一埠引繁餉重全賴湖南引地行銷概需船載惟私販則係挑馱陸運今楚省於郴桂兩屬設卡以船載爲私販以引地爲越境是粵商先完正課再納課外釐金成本倍增難期利運陸路私販既無餉課又免釐金獲利愈豐將見引地悉爲私佔粵商每受楚私之苦斷無有將例定界址置之不問委員來楚咨臣遴委大員會同粵員查勘界址勿任郴桂設卡抽釐等因當經臣飭據司道會議如查實係在粵納課之官鹽應免抽稅飭令粵省委員顧炳章平翼先行回粵銷差另由楚省查案核辦茲臣檢核疊次部議參考例案湖南各屬除郴桂等十一州縣外其餘皆係准鹽引地

駱文忠奏稿卷五

三

自准運中梗民憂淡食借撥粵鹽之請後又難行戶部始有設卡抽稅之議部臣所以指明郴桂地方者非不知郴桂之爲粵鹽引地也誠以借引則行之自粵原有引地可分設卡則主之自楚不能援例定界址爲說卽如湖南之永州府同一粵鹽引地而廣西撫臣勞崇光原奏如何設關之處應由楚省妥議奏辦是其明證今粵商乃以郴桂設卡謂湖南置例定界址於不問蓋祇知粵鹽行銷粵省引地爲百餘年遵辦之舊章不知粵鹽行銷淮南引地乃百餘年未有之創舉郴桂設卡抽稅戶部已有明文屢奉

諭旨准行固非粵商所敢爭亦非湖南置例界於不問此郴桂不得不設卡之定局也又部議凡粵鹽入楚若不講求抽稅之法坐

視鹽利歸私毫無補救豈非可惜是設卡抽稅必先防鹽利歸私將欲化私爲官必先於私之來源預爲稽查粵私侵楚有由陸路挑運者有由船裝載者而究之陸路挑運之私其實皆自粵船售買而得而湖南宜章臨武兩縣牛頭垸良田河口等處歷爲楚粵商船起卸埠頭粵省私販由此而止楚省私販卽由此而起是欲防陸路之私販必先杜船運之私銷也明矣乃粵商輒稱粵鹽入楚處處需船惟私販偷漏畏人盤查遂百十成羣恃眾挑馱陸運歷年每受楚南私販肆充之苦一似陸運者爲私而船運者非私不知郴桂私販所挑之鹽果販自廣東產鹽之所乎抑仍從粵船轉販而來乎粵中官鹽非船不能運楚豈郴桂私販之鹽能不

駱文忠奏稿卷五

五

由船而運楚是湖南郴桂設卡抽稅斷無捨船運大宗之私不抽而專抽陸路零星私販之理且楚省自設卡試辦以來并未見粵商裝運官鹽到埠卡局亦未抽過官鹽之稅粵商以概設水卡謂湖南重徵課外之釐實則有意預爲借引行私地步戶部議覆廣西設廠抽稅摺內有云商人借引行私船戶吞包夾帶爲鹽務痼習正不止私販之難於巡緝蓋實已早慮及之此郴宜設卡不得不兼抽船載之鹽之定局也惟粵商旣以重科爲詞若湖南查私過嚴勢必有所藉口臣與司道悉心商酌楚釐固關軍需緊要粵課亦難虛懸自宜全局通籌務期粵餉楚釐兩無窒礙湖查順治十一年部臣題准廣西分銷廣東引鹽除在廣東納課外每引納

軍餉銀九錢盤割五項銀三錢七分有奇戶部則例有每引徵稅之條會典有按包抽稅之則斯皆粵鹽官引於納正課之外再議抽稅之成法惟所抽軍餉盤割銀數過重或照湖南見在試行粵鹽每包抽錢七百分算比之廣西見議一包抽稅銀四錢八分之則更爲輕減如粵商仍以正引重科爲疑或卽照前明兩廣總督王佐議定每正鹽一引許帶餘鹽六引正鹽免稅餘鹽收稅其夾帶多鹽許其自首仍計引納稅如隱匿不盡盤出沒官治罪一條令嗣後埠商運鹽一引必運餘鹽六引始准稅六引而免一引之稅均經臣縷悉聲敘咨商兩廣督臣迅速酌核咨覆臣維粵鹽之行銷湖南者引地向止郴桂十一州縣今於郴桂卡局抽稅之

路文忠奏稿卷五

五

外不復問其所之粵鹽銷路既廣銷數自增以溢銷之鹽補正引之稅不惟楚釐得稍資接濟卽粵課亦自無短絀之虞實屬兩有神益見當軍需萬緊粵省咨覆需時勢難停待臣與司道覆加熟商擬卽照明臣王佐議每官鹽一引許帶餘鹽六引官鹽一引免稅餘鹽六引抽稅以杜借引行私之弊俾免影射而資接濟除咨明兩廣督臣轉飭照辦外伏乞
皇上聖鑒敕部迅速議覆施行謹 奏
硃批戶部速議具奏欽此

勸捐牙帖酌議變通辦理摺

咸豐六年七月二十一日

奏爲遵照部文勸捐牙帖因地制宜酌議變通辦理恭摺奏祈

聖鑒事竊臣接准戶部咨議覆湖北撫臣胡林翼奏請由部頒發

牙帖勸捐以濟軍餉并請推行各直省一摺奉

旨依議欽此鈔錄摺稿章程行令一體遵辦當經臣欽遵行司通

飭各州縣并遴委公正官紳分赴各屬會同地方官察看情形妥

爲辦理去後茲據各屬查明情形由藩司文格核議詳請具奏前

來臣覆加查核戶部原議各條籌畫極爲周密各省自應推行惟

查地方情形各有不同辦理章程難期畫一部議條款內稱各行

牙帖改由部頒商人捐領新帖應分晰名目某爲上行某爲中行

駱文忠奏稿卷五

三

某爲下行分爲三則造冊送部立案其捐輸銀數上則捐銀一千
兩中則捐銀七百兩下則捐銀五百兩次下捐銀三百兩永爲定
額等因見據該司查覆一州一縣之中行銷貨物各有區別如湘
潭地方以藥材爲上茶葉及他貨次之常德地方以棉花茶油爲
上而他貨又次之同一貨物有在此處可列上則移之彼處又在
中下之列者亦有在彼處可列上則而移之此處較之中下則猶
有不逮者總視其貨物之多寡爲貿遷之大小未可卽一物之名
目定三則之等差因地制宜自不得不量爲變通以歸核實臣悉
心籌酌應請士民捐請牙帖責成地方官於呈報捐輸時卽就所
報貨物名目察其本處商情權其本利厚薄實在應列何則據實

詳報藩司於牙帖內註明則次令其照例交銀如此辦理在牙戶無可趨避在州縣亦難欺飾仍由司將報捐行戶姓名捐納銀數以及開張何處是何名目逐細造具清冊專案報部備查惟各省牙行向由州縣照額召募取具保結詳司核給牙帖今准其報捐由部頒帖原冀其輸將踴躍以裕軍需湖南見在已有商人呈請捐充若必俟頒到新帖方准開張自京至楚道理較遠誠恐稽延時日阻其急公報效之心似不足以廣招徠而示鼓勵應請將新例增刊牙帖仍照舊章由藩司印發各商人兌捐後卽准持赴所報市集開張貿易較爲便益此外如有小貿情願捐帖而力不能按照部則繳銀者隨時變通辦理又部議舊帖商人准其減半完

駱文忠奏稿卷五

三

納普律更換等因查湖南連歲軍興以來地方疊遭蹂躪民情極爲彫敝兼之上下游湖北江西鄰氛未靖商賈不行多半歇業見在各屬牙行懸缺者共有二百八十餘戶召募無人頂補若令舊帖之商一律交銀更換部帖不但事涉紛更且恐商力疲乏無貲交納歇業之戶更多殊於額稅大有關礙應請領有舊帖各行戶准其照常開張毋庸更換以示體卹此後遇有事故歇業請帖頂補者概令遵照新章按則捐銀辦理并由地方官認真嚴查毋許冒名頂替以杜朦混之弊每年稅銀照舊完納如無舊章者隨時比例徵收於季冊造報聽候部撥其捐帖銀兩歸於軍需項下開支造報此外一切事宜悉照部議章程辦理除咨明戶部查照外

所有勸捐牙帖酌議變通辦理緣由理合恭摺具奏伏乞
皇上聖鑒訓示謹 奏
硃批戶部知道欽此

駱文忠奏稿卷五

遵保堪勝道府各員摺

咸豐六年七月二十一日

奏爲遵

旨保舉堪勝道府各員恭摺奏祈

聖鑒事竊臣前准吏部咨咸豐六年二月初九日奉

上諭見在江蘇安徽江西湖北湖南廣西貴州各省正當辦理軍務之際著該督撫於所屬各員中秉公察看如有官聲才具堪勝道府之任者著各酌保數員以備簡放欽此臣維爲治之要首在得人安民之方必先察吏誠以吏治之整理與否爲生民休戚所關卽時局安危所繫也方今時務之急首在平賊治之於已亂固資將帥之臣治之於未亂尤重守令監司之選臣於通省各員中與藩臬兩司詳加遴擇謹酌保數員詳其實政另繕清單恭呈御覽惟其中賴史直一員曾蒙

駱文忠奏稿卷五

三

天恩逾格免其治罪本不應再行開列臣因該員居官實優未敢壅於上聞亦一併附入伏懇

皇上聖鑒施行謹 奏

謹將湖南省堪勝道府各員繕列清單恭呈

御覽

奏畱湖南丁憂知府朱孫詒

該員前在甯鄉長沙兩縣任內均有政聲其在湘鄉縣知縣任內時裁剔漕弊搜除積年會匪多名一縣稱治遴選正紳廩生後擢

甯紹台道羅澤南生員見擢卽選道王鑫等辦理該縣團防湘勇之樸勇敢戰實由該員辦團而起嗣署寶慶府知府寬嚴并用深得各屬士民之心該員勤懇樸實守潔才明所至循聲卓著堪勝道員之任

升用知府見署衡州府知府陸傳應

該員於初履潯浦縣知縣任時適值匪徒肆起該員捕治著名要犯十餘名立寘之法并令被脅鄉民到官首罪准其自新廣設義學以端士習一時威惠丕著嗣後遇匪卽偵拏嚴辦良民得獲安全勤理詞訟實行團練待公正紳士以禮馭丁書差役以嚴去任之日士民挽留不絕該員明練果決堪勝道員之任

駱文忠奏稿卷五

五

署寶慶府知府鳳凰廳同知祿亨

該員在武岡州任內捕治積匪多名勤明果斷通曉治體政聲甚著在署常德府任內及見署寶慶府知府力圖整飭輿論翕然上年督辦新甯縣善後事宜親歷鄉村實行團練著有成效該員年壯才優操守端謹堪勝道府之任

補用同知直隸州知州見署道州知州馮崑

該員於慈利縣任內官聲甚好自調署道州知州以來勤恤民隱嚴鋤匪類士民愛戴道州緊鄰廣西灌陽富川多匪之區地方自咸豐二年賊竄之後漏網逸匪尤多該州團防嚴密遇有鄰近賊匪及自賊營逸出賊匪無不弋獲治崇寬大而不失之疏用心仁

厚而不失之迥安重誠樸恬淡勤懇堪勝知府之任

知府銜准補乾州廳同知邵陽縣知縣邵綬名

該員在邵陽縣知縣任數年以嚴爲治鋤治匪痞最多士民畏服才具明決強毅有爲事無不舉堪勝知府之任

升用同知直隸州知州未陽縣知縣見署湘鄉縣知縣唐逢辰

該員在未陽縣湘鄉縣任內均著循聲操守端謹慈惠而不流於姑息遇事知顧大局辦理團練甚有成效堪勝知府之任

同知銜東安縣知縣賴史直

該員自署湘陰縣巡檢卽以廉幹著名嗣履東安縣任政聲尤著士民愛戴迥異尋常治匪以嚴而匪不敢怨撫民以寬而民不敢

駱文忠奏稿卷五

三

狎其操履嚴謹清苦自持實所僅見上年縣城失守旋帶團勇隨同克復已蒙

天恩逾格免其治罪堪勝知府之任

咸豐六年八月十四日內閣奉

上諭駱秉章奏遵旨保舉堪勝道府各員開單呈覽一摺奏留湖南丁憂知府朱孫詒升用知府見署衡州府知府陸傳應均著記名遇有湖南道員缺出請旨簡用署寶慶府知府鳳凰廳同知葆亨著記名遇有湖南道府缺出請旨簡用補用同知直隸州知州見署道州知州馮崑知府銜准補乾州廳同知邵陽縣知縣邵綬名升用同知直隸州知州未陽縣知縣見署湘鄉縣知縣唐逢辰

均著記名遇有湖南知府缺出請旨簡用同知銜東安縣知縣賴
史直俟升用同知直隸州知州後再行奏明請旨欽此

駱文忠奏稿卷五

三

餘人周溥聞信先逃該縣代爲解散一節見據委員洪琅會同瀏陽縣知縣袁青綬查得周溥係候補通判咸豐四年七月委赴瀏陽縣勸捐係在縣署設局并未住宿考棚遇有出力最優紳士及急公捐戶該縣袁青綬會同周溥待以禮貌款以酒食事間有之并非濫行文接該縣袁青綬與周溥朝夕共事耳目易周周溥在瀏陽勸捐時服尙未滿常住縣署委無忘哀越禮攜挾優妓情事五年七月周溥復經委辦瀏陽釐金商稅該縣公事向在考棚會議是以紳民公議仍在考棚設局議定章程捐抽釐稅城市商鋪大小不及五百戶均無異詞其鄉村小商經紀并未查辦無所庸其飲恨更無激變聚眾至二千餘人之事且周溥委辦抽釐僅止

駱文忠奏稿卷五

五

月餘卽經省局調回辦理城工局務當將該縣釐局事務徧集紳商交割清楚始行回省亦并無激變聞信先逃之事惟周溥回省後有水販商人初到不諳抽釐章程與行戶商鋪互相爭執邀約行戶數十家赴局請示經該縣袁青綬督同在局紳士詳細諭知各商遂照章遵辦并無爭執且事在周溥回省之後原奏所稱聚眾解散聞信先逃之處自係因此訛傳又如原奏所指帶勇者每一千名報二千名虛報之口糧卽以肥已一節查上年賊陷江西義甯州與瀏陽縣接壤其時周溥與該縣袁青綬在上莊鐵樹橫山各界輪流督同團紳防禦所有勇丁均係本團之人均由團紳管帶周溥與袁青綬不過互相查點督率操防據實稟報有案可

覆陳周委員被參勸捐激變各情摺

咸豐六年九月二十八日

奏爲遵

旨委員詳細查明恭摺覆奏仰祈

聖鑒事竊臣承准軍機大臣字寄欽奉

上諭有人奏上年湖南瀏陽縣勸捐抽釐委同知周溥前往據考棚爲公館安居數月將捐費聯絡紳士攜挾優妓開設筵宴致鄉民飲恨激變聚集二千餘人周溥聞信先逃經該縣令代爲解散醴陵縣亦有鬪毆委員之事該委員等卽藉是而得保舉又稱帶勇者每一千名報二千名其虛報之口糧卽以肥已勸捐者凡捐例應京錢一百千文者輒取制錢一百千文仍以京錢之數繳公

駱文忠奏稿卷五

七

以多取之半肥已亦有取之以實銀而照官價折錢繳公者致同一職銜而捐出兩手價卽多寡互異各等語勸捐濟餉借資民力原屬不得已之舉自應秉公核實辦理若如所奏各種種亂法營私侵漁肥橐爲害閭閻尙復成何事體著駱秉章派委委員將所指各款逐層詳細查明如果實有其事卽著據實嚴參毋稍徇隱等因欽此當經臣欽遵行司遴委候補知縣洪琅前赴瀏陽醴陵二縣嚴密確查去後茲據該委員逐一查明稟覆由藩司文格署臬司謝煌卽用道裕麟覆查詳請具奏前來臣覆加查核如原奏所指瀏陽縣勸捐抽釐委同知周溥前往據考棚爲公館安居數月聯絡紳士攜挾優妓開設筵宴致鄉民飲恨激變聚集二千

查實無以少報多之弊又如原奏所指凡捐例以京錢之數繳公以多取之半肥已亦有取之以實銀仍照官價折錢繳公一節查外省捐例并無收捐京錢之事亦無京錢名色固不能倍取半繳而湖南辦理捐輸先將章程捐數明刊告示揭諭城鄉又刊例本徧發各屬捐局無論黃童白叟悉知捐輸章程更不能絲毫弊混亦并無收銀折錢繳公之弊如有其弊捐戶豈肯甘心見奉查訪豈有不行首告之理又如原奏所指醴陵縣亦有鬪毆委員之事該委員等卽藉是而得保舉一節見據委員洪琅會同署醴陵縣知縣崔斌查覆咸豐四年九月奏委紳士湘陰縣舉人卽選知縣郭家彬前赴醴陵縣會同該前縣王恩溥勸捐邀集公正士紳并殷實之家婉爲勸導諭以軍餉繁鉅均應竭力輸助以濟急需該縣紳民急公好義者無不踴躍樂輸卽間有心存慳吝者一經反覆開導亦皆量力勉從實無鬪毆之事郭家彬亦并未因勸捐得有保舉有案可稽等語

臣查原奏所指各節種種亂法營私情節俱重果有其事

如

聖諭卽應據實參斷不肯稍事徇隱茲經委員逐一確查或咨訪輿論或稽查案據俱無情弊

臣復詳細查察亦均無異應請無庸置議

臣維湖南素鮮殷實之戶自連年防勦以來餉需繁鉅不能不藉助捐輸紳富於籌餉之外又有城工船礮兩局之捐及本地團練之費一戶數捐力本難繼勸捐之官紳易招嫌怨本在意

中至飢法營私如原奏所云亦或有所不敢況瀏陽醴陵距省城均不過百數十里如有前項情弊縱臣聞見有所不周豈無一人一戶受累具控之案臣檢查本署及司道府各衙門并無上控之件則該印委等所稟非屬子虛至虛冒勇丁口糧一節在團勇各衛鄉閭口糧均係自捐官只查點名數固無所容其虛冒至於招募之勇管帶薪水及百長大旂什長散勇長夫口糧均有定章入營之始必造冊點驗而後發餉傷亡事故隨時開報填補臣常密委員弁前赴各營抽查往往足額之外尙有餘丁均係各該勇親屬子弟隨營待補缺額者有一缺出卽紛紛求補管帶之人豈能虛報一倍之多掩人耳目且湖南界連六省惟與四川交界之二

駱文忠奏稿卷五

單

百餘里及湖北之荊州施南等處尙屬安謐此外則沿邊列戍烽火相望又須派遣官軍越境援剿若如原奏所云每一千名報二千名無論無此項可冒之錢糧亦無此等易支之時局上年郴桂茶陵之役官軍萬餘剿粵寇六七萬之眾是以一而敵五也見在萬載諸戰官軍以四千餘眾剿賊萬餘或一日數戰或每戰數路是以一而敵三也卽以瀏陽而論虎坳之戰湘勇五百分兩百助守上峰適大橋賊匪四五千分路突至虎坳官軍以三百人奮擊敗之尤爲奇捷均經臣屢次敍奏在案若如原奏所云二千始得一千之數恐亦力不及此惟各營接仗出隊之時少則四成五成多則八成而止其餘畱爲更番疊戰及守營之用有時賊眾披靡

偶有空壁出擊之事然實未可爲常言者或但知臨陣出隊之數不及營額之多遂至傳訛亦未可定總之勸捐爲不得已之舉慳鄙者以免捐爲幸慷慨者以屢捐而疲辦理維艱浮言易起用兵日久軍營惡習悉數難終亦不僅虛糧缺伍之顯而易見雖據湖南情形論之飢法營私斷不至如此之甚然防檢稍疏流弊安知其極臣惟有與司道各員勤加體訪遇有作弊之人及致弊之事隨時參劾釐剔以求仰副我

皇上諄諄訓誡之至意所有遵

旨查明緣由理合據實覆奏伏乞

皇上聖鑒訓示謹 奏

駱文忠奏稿卷五

聖

硃批知道了欽此

出師他省傷亡卹賞請歸用兵各省支領摺

咸豐六年九月二十八日

奏爲湖南出師他省傷亡各勇人數較多應得卹賞銀兩見因庫款匱乏難於籌給請歸用兵各省支領以免積延恭摺奏祈

聖鑒事竊照前准部咨軍營兵勇應得卹賞等銀兩咨會原省發給其陣亡者由營先給燒埋銀兩受傷者由營先給養傷銀兩卽咨原省在於應領項下扣還等因當經轉行防堵總局遵辦在案茲據總局司道以湖南兵勇出師他省傷亡較多卹賞等銀難於籌給仍請歸用兵各省支領會詳請奏前來

臣

查逆賊自竄擾湖北江西安徽江南等省以來歷次調派湖南各營弁兵招募湖南各州縣壯勇隨同攻勦原以湖南民風樸實強固尙爲出力故凡

駱文忠奏稿卷五

聖

賊蹤所及省分湖南兵勇較他省爲多連年打仗陣亡及受傷之員弁兵勇應給卹賞銀兩歸原省發給者湖南亦較他省爲多前准部咨卹賞一項半發寶鈔半發銀兩湖南係未行寶鈔省前說應無庸議惟查湖南自軍興以來至今賞費日增筋疲力盡以見在情形論之南防粵寇北禦鄂氛西堵黔邊東防江右以一省而防五省之寇且援勦兩省之寇經費已屬不貲而湖北則遊擊張榮貴參將鮑超等奉委回南募勇江西則副將周鳳山知縣劉騰鴻等派人回南募勇貴州苗民句煽較前勢益蔓延連界之沅州府晃州廳靖州沿邊地方又復添撥重兵分途守禦湖北水師所需船廠及各營來南招勇水陸軍械藥鉛鍋帳等項及盤川路

費多係湖南接濟外省增一營本省即多一營之費本省招一勇即增一勇之糧總計各路所需每月常十餘萬及二十萬兩有增無減湖南額徵錢糧除支放營餉養廉兵穀價銀等款及災傷蠲緩外其存畱者不足供兩月支發雖動漕折勸捐輸收釐金抽鹽稅搜括不遺餘力而供支尙無已時若再照部議將卹賞等銀概歸原籍支領見在羅掘一空不隨時給領則無以慰忠義之心隨時給領又無以爲挹注之計愈積愈久愈多再四躊躇實屬無從設措因思聚之一省則費重而難籌散之數省則費輕而易給應請將各省前後調派湖南各營兵丁陣亡卹賞等銀仍歸湖南原籍辦理外其出師各省各壯勇陣亡卹賞及養傷銀兩自軍

駱文忠奏稿卷五

呈

興以來及此次奏明後均請改歸用兵各省隨時給領如此辦理在軍營酬之既速足以勵士氣於戎行在湖南用之稍舒亦可資軍儲於涓滴除分咨戶兵二部暨用兵之廣東廣西湖北安徽江蘇江西浙江等省查照外理合恭摺具奏伏乞

皇上聖鑒訓示施行謹 奏

硃批該部議奏欽此

貴州東界民苗俱變添撥兵勇越境征剿摺

咸豐六年十月十五日

奏爲貴州東界民苗俱變勢愈猖獗本省防剿疊獲勝仗見在添
兵北剿銅逆南禦黎苗恭摺馳奏仰祈

聖鑒事竊湖南西界南自靖州通道綏甯會同等州縣北至晃州
廳麻陽縣芷江縣及乾州鳳凰永綏三廳皆與貴州毗連重巖複
沓鳥道縱橫地雜民苗素爲奸匪盜賊出沒之所上年冬閒貴州
銅仁府松桃廳失守遵

旨調集兵勇越境進剿幸克兩城彼時因黔省不遑兼顧卽酌留
楚兵代爲防守迨貴州撫臣委同知王敬烈署銅仁府到郡後於
撫綏搜緝諸務經理失宜府屬諸民漸喪其樂生之心鋌而走險
向之奸民得以乘機勾煽而銅仁之亂復作矣自五月二十八日

駱文忠奏稿卷五

四

賊撲黔兵江口大營五崗團練羣起從逆黔營同陷軍火盡爲賊
有湖南遣往援黔之候選知縣吳自烈所部幹勇亦多傷亡自是
而賊勢益熾居然署僞號署僞官招聚亡命之徒及教匪痞苗圖
爲大逆比經臣咨雲貴督臣恆春速委賢員猛將來銅仁督辦一
面咨鎮筸鎮臣文安批飭辰沅永靖道添撥兵勇助楚軍固守銅
城并分駐邊界聽調而黔省所委署銅仁縣知縣兼護知府彭瀾
適至方一意主撫且以五崗人心初附止楚軍且駐邊界恐撓撫
局其實銅仁之賊初無意就撫也七月二十四日賊四路撲湖南
晃州廳龍溪口營盤已革晃州廳通判楊泰來屯千總王占鼂署

吳州廳通判洪慶華屯額外李光良土守備龍子明督漢土兵勇團眾更番疊戰斃賊數百割獲首級七十二顆生擒二十三犯奪獲大白旂八杆刀矛多件賊鋒稍挫而黔省委護貴東道署銅仁府知府楊書魁於八月初六日赴任行至閱家場被賊圍困拘禁三角莊窘辱備至劫去餉銀四千兩槍礮一百七十件藥鉛五十石所帶勇三百名均行潰散隨員被戕楊書魁以死自誓罵不絕口聞已遇害彭瀾往三元屯杳無消息旋聞在孟溪地方被賊拘執黔之文武在銅仁府城者僅新署副將閃雲一人而已文安翟誥等以銅仁所駐楚兵尙單復委前龍山縣知縣兆琛帶勇及土兵馳往策應一面調兵三百赴交界之大興場練勇二百土兵三

駱文忠奏稿卷五

望

百赴亭子關相機援剿銅賊嚴占鼇趙子澹等已將銅仁縣屬三元屯攻陷聲言三路犯楚臣當飭翟誥銅賊所以不遽竄楚者畏楚軍之扼其前駐銅仁之楚軍擬其後耳銅仁一軍尙孤應增調以厚其力而鎮筭鎮麻陽晃州廳三路之防亦不可疏臣一面調駐岳州防守之參將萬年新都司侯光裕督帶所部長勝軍千餘迅赴沅晃一路扼之九月十五日貴州松桃廳石峴苗匪復起強占屯田收割聚眾數千而鳳凰永綏之防又急旋據翟誥飛稟逆首嚴占鼇據三元屯劉士美據壩盤吳大刀據壩黃趙子澹據江口賊眾不下數萬欲徑撲銅仁府城代守銅仁鎮筭都司吉隆阿屯守備田宗蕃擒獲僞將軍耿文招所供亦同九月十七八等日

賊三股直逼銅仁府城隔河十餘里連營二十餘座二十二日賊一由鷺鷥巖撲銅仁西門一由文筆洞撲江宗門一由龍魚坡撲中南門吉隆阿田宗蕃等憑城開礮斃賊十餘名賊遽退至文筆洞山頂吉隆阿田宗蕃急派營弁雷振春陳宏順屯弁熊三喜陳俊雲土守備吳正邦開城分路出擊兆琛吳自烈土弁吳士榮等麾兵勇由北路繞赴西南助戰營兵張我臣練勇張宏順首先陷陣斬僞先鋒張其澤乘勝掩殺斃賊多名奪獲僞印一顆僞令一枝旂幟刀矛七十餘件二十六日銅賊三千餘將由大興場乘虛趨撲鎮筮翟誥已商之文安預派千總周宏印外委唐本隆帶兵三百駐大興場土守備吳永清帶土兵四百名駐落潮井屯弁鄒

駱文忠奏稿卷五

吳

明英王占鼇帶練勇屯丁駐亭子關是日賊至周宏印首先陷陣連刃執大白旂賊目二人唐本隆亦立斬執旂賊目一名土弁吳國楨龍延興自落潮井鄒明英自亭子關聞警馳至合力兜擊陣斬逆賊二百餘名滾巖跌死者不知其數追至尖巖山收隊奪獲擡礮一尊火藥兩桶旂幟刀矛百餘件生擒賊李滿鄧老受等餘賊仍遁回銅仁縣境是日銅仁之賊將渡江撲城并攻瓦窰河榦勇營盤吉隆阿田宗蕃兆琛扼之河岸施放槍礮斃賊多名賊退二十七日賊三股一由文筆洞攻後水門一由桐子巷攻中南門一大股由清水塘過河襲攻兆琛營盤而分由芭蕉坤徑趨鎮筮吉隆阿田宗蕃將賊擊退派營弁陳宏順屯弁田慶品等會同前

署銅仁協圖塔納從中南門縋城而下過河迎擊該匪敗走兆琛
派所部勇及屯弁李光良所帶健勇吳自烈帶所部幹勇吳光德
帶土兵分路迎擊大股撲營賊匪吉隆阿督營弁吳支升左元勛
屯弁熊三喜等出北門爲之策應李光良吳光德遇賊桐子坳正
酣戰時首逆嚴占鼇趙子澹率賊眾踵至吉隆阿等一軍驟到吳
自烈等一軍又由和尚田橫截而出四面夾擊陣斬騎馬賊目四
人斃賊數百賊眾駭懼紛竄逆首趙子澹棄轎逃走官軍乘勝掩
殺追至清水塘賊營縱火圍燒立將賊營燬平斃賊無數餘賊潰
逸官軍追至兩河口始各收隊生擒賊目張友等四名奪獲大小
紅黃白旂三十餘面槍礮刀矛共二百餘件賊敗退後糾聚另股

駱文忠奏稿卷五

四

四千餘匪卽夜屯紮清水塘山頂圖絕楚軍糧道二十八日吉隆
阿田宗蕃兆琛吳自烈等帶兵勇分四路進剿陣斬執旂賊目數
名賊匪紛紛潰敗官軍四路乘之火彈噴筒疊發刀矛并進賊死
傷枕藉橫屍遍野立將清水塘賊營焚燬適文筆洞馬坳各處應
援之賊繼至官軍扼之河邊槍礮轟擊賊不得渡復增調大隊從
上游躡淺過河蹙之賊眾駭懼失措陣斬當先悍賊數十名餘賊
奔竄山谷自相蹂踐官軍分隊追擊斃賊無數連踏賊營十六座
奪獲大小旂幟三百餘件槍礮刀矛二百五十餘件賊船六隻而
近城賊營止賸野雞坡毛溪四座矣二十九日吉隆阿田宗蕃兆
琛乘大霧帶兵勇銜枚疾馳掩賊不備并將四營襲破斃賊無數

奪獲旂幟器械多件餘賊潰竄此官軍分路防剿銅仁賊匪及固守銅仁府城連陷賊營二十一一座立解城圍疊獲勝仗之實在情形也其黔苗之犯楚界者四月初一日永從苗匪入湖南通道縣境獨坡等處竄至蒼坡草坪知縣吳熊督同署外委陳有魁團紳周述等帶練勇四百名團紳黃漢朝等帶幹勇三百名分路迎剿敗苗於土嶺紅泥岡等處槍斃苗目二名斃苗百餘生擒三名奪獲黃旂九面軍械數十件次日逆苗二千餘直撲播揚西所柵門吳熊督飭陳有魁及團紳等憑高俯擊木石併下陳有魁等開壁出擊黃漢朝從山後僻徑抄出共斃賊百四十餘內有麻李二苗目生擒十三名薄之於河淹斃無數奪獲刀槍旂幟數十件署靖

賈文忠奏稿卷五

吳

州知州鄂峰飭把總吳自申臧傳照等督團紳李光照周拔廷周述等帶領兵勇繼至初七日遇賊於半江地方斃賊三十餘名奪獲黃旂四面十一日署典史張豫同陳有魁等督率兵練團丁進攻龍嶺坡陣斬黃馬褂苗目一名斃賊百三十餘名生擒五名團紳黃漢朝率幹勇由龍嶺坡後抄出轟斃黃袍賊目一名乘勝掩殺斃賊一百四十餘名生擒四名奪獲大小黃旂十餘面烏槍刀矛各數十件十六十七十八等日吳自申率同靖州團紳儲迺昌通道團紳陳有魁分路搜剿均有擒斬餘匪遁回黔境六月二十三日黔苗復竄縣境半江地方陳有魁率團紳及靖州團紳黃炳燮陳師舜盧昌言楊敏忠等合擊於大高山腳斃苗一百三十餘

名轟斃無算奪獲紅旂八面生擒黃衣賊目戴老申粟老金吳老裨石占科龍冒冒等五名礮械多件逆苗復糾聚黔粵交界寨高等苗誓圖報復二十六日陳有魁及黃炳燮陳師舜武生盧昌言黔紳裴文秀裴文灼等合擊於牙屯堡斃賊百五十餘名七月初一初二兩日靖州吏目陳斯信督同黔楚團紳進攻大高山苗寨由山後懸崖取道突入賊巢斃苗百三十餘名墜巖澗死者不計其數生擒黔粵逆苗吳老長等十一名旋分路搜捕殲斃餘匪三十五名而通道邊患稍紓七月二十三日貴州首逆余老科及逆苗羅姓牛姓等攻陷古州鎮城古州於雍正初年始經戡定設立重鎮以控制漢土苗夷額兵四千槍礮之多甲於黔省茲既以援

略文忠奏稿卷五

吳

絕食盡被賊攻陷文武殉難屠掠甚慘黎平府民心渙散遷徙入楚者紛紛而該府屬之六洞苗匪卽乘機滋擾附近湖南靖州各邊屯寨焚掠殆盡八月十九日苗匪千餘撲靖州之培坡卡團紳吳文渙等率練勇擊退斃賊二十餘名內有執旂賊目二名二十及二十一等日苗匪復聚數千攻撲州境各隘均經擊退賊復翻山至黎平府屬四鄉所地方近徧靖州署靖州知州鄂峰署靖州協副將常英督吏目陳斯信及各團紳等帶兵勇分途扼之二十五日逆苗分三路徑撲州境每路約千餘人一由藕團撲馬路口三眼橋一帶陳斯信及巡檢陳廷弼督團紳陸萬通等率練勇擊之陣斬白旂苗目一名斃苗匪二百餘直追至鴉嘴口出境沿途

又斃苗匪數十名滾崖落澗者不計其數一由姚家鄉撲風車坳靖州學正劉杜督團紳儲梅燮戈聿安吳文渙儲迺昌等擊之斃苗七十餘名追至新場收隊一由黃家坳撲沙堆營盤署副將常英督署千總吳自申團紳陳師舜吳正昌梁啟富儲蘭亭盧昌言吳宗岐黃世春等分起擊之共斃苗匪三百餘名生擒十一名奪獲槍礮刀矛旂幟五十餘件追至黔境而還此靖州通道官兵團練防剿黎平逆匪屢獲勝仗之實在情形也臣接據靖州文武稟報貴州古州鎮失守後旋准貴州撫臣咨請就近調派永州靖州一帶官兵由靖州救援黎平九月初九日復承准軍機大臣字寄八月二十九日奉

駱文忠奏稿卷五

平

上諭蔣蔚遠奏古州廳城失守請敕湖南派兵救援黎平一摺湖南靖州與黎平接壤赴援較便著駱秉章迅卽派調永州靖州一帶官兵由靖州馳往救援如該處兵力不敷卽著酌撥練勇以資協剿欽此旋復准雲貴督臣恆春咨請派楚兵一二千進剿銅仁賊匪臣竊維貴州一省近年民苗肆逆在在蟻聚蜂屯不可勝數聞該省府廳州縣城垣失陷者頗多難民遷徙入楚者紛紛謠傳不一其近湖南邊界者類皆有賊無兵任其蔓延衝突卽城池無恙亦皆岌岌可危不僅銅仁黎平有關黔省大局也而以賊勢較之以地形較之則銅仁視黎平爲尤急銅仁之亂聞由前任知府徵收秋糧激變而起臣曾屢咨黔省撫臣速委賢員猛將迅速來

銅辦理原冀曲突徙薪稍紓邊患迨楚軍克復之後委署之員不
速赴銅仁抵銅之後又復經理失宜致資亂民口實馴至銅仁府
屬五峯糧戶概起從逆招聚川黔楚亡命之徒及各種教匪僞立
名號迫辱新署府縣橫加戕害黨羽日聚日多屢議大舉犯楚其
所以不卽犯楚者蓋忌銅仁之楚軍掣其後而鎮守一鎮及三
廳邊民向以强悍著名故也若不及其羽翼未成之時增銅仁之
守而益各邊防戍之軍則銅仁危而鎮守晃沅均將可慮賊若自
銅仁江口順流而下勢若建瓴不數日卽可越辰州而抵常澧放
虎出林勢更難制非若黎平僻在一隅跬步皆由尙易控禦可比
且黎平所患惟苗苗匪志在劫掠非有狂謀銅仁則莠民倡亂兩

駱文忠奏稿卷五

五

載於茲愚民爲所迷惑良民亦被其誘脅失今不圖正恐燭火遂
成燎原之勢此見擬速勦銅仁之愚見也由湖南越境赴銅仁征
勦營屯漢土兵勇見計四千五百有奇實已浮於雲貴督臣恆春
原咨之數而防邊各軍又五千餘每月需銀五六萬兩湖南頻年
勉強支撐早已筋力俱盡而局勢所急又不得不竭蹶赴之祇盼
事機順利得以迅速凱撤或可暫免飢潰之虞至黎平軍事見尙
未續接靖州警報臣已調駐防瀏陽東界之通判銜卽選訓導丁
際可原帶所部靖勇四百三十名馳赴靖州相機防勦該紳勇本
籍隸靖州於地方情形熟悉且前年冬間調省訓練成軍曾經戰
陣膽技尙優或可得力此時計已行抵州境矣至黔撫臣請調靖

州永州官軍臣查靖州一營見在存城官兵不過二百餘名本州
防守尙且不敷何能越境若永州則係湖南邊郡見防廣西灌全
一帶賊匪正在喫緊之際且距靖州千里而遙未便調派亦實無
可調派也理合一併聲明所有官軍屢獲勝仗見添派兵勇越境
征剿銅仁逆賊防禦黎平苗匪情形謹據實馳奏伏乞

皇上聖鑒訓示施行謹 奏

硃批覽奏均悉欽此

瀝陳軍務繁難請

旨敕撥協餉摺

咸豐六年十月十五日

奏爲瀝陳湖南軍務繁難餉需匱竭情形請

旨敕催四川迅解撥款并請

敕戶部指撥有著之款以資接濟事竊湖南南界廣東廣西北界湖北西界四川貴州東界江西以見在時局言之湖北武漢未復崇陽通城興國通山等處爲賊匪淵藪湖南北界之防不可撤廣東之賊自上年郴州痛剿之後本年春間卽選道王鑫又自藍山越境至廣東東陂觀連州轉戰至陽山英德各縣界斃賊甚多而餘賊自楚師撤後又各嘯聚山谷分股蔓延英德乳源陽山連州各界而湖南東南界之防不可撤廣西之賊倏聚倏散旋撫旋叛

駱文忠奏稿卷五

五

股匪之多實難數計良民變而爲賊武弁亦有叛而爲賊者大抵飽則爲民飢則爲賊散則爲民聚則爲賊敗則爲民勝則爲賊時窺伺零陵東安江華永明道州邊境而湖南西南界之防不可撤江西與湖南之南境均接廣東自郴州桂陽縣以北歷桂東鄱縣茶陵州攸縣醴陵瀏陽平江諸縣延袤一千數百里界外皆江西州縣除萍鄉萬載業經援軍越境克復外餘皆爲賊竊踞雖屢次截剿獲勝而咫尺卽爲異域地偏勢危時虞闖入而湖南東界之防不可撤貴州銅仁松桃鎮遠黎平各府廳與湖南之永綏鳳凰乾州三廳晃州廳會同通道靖州等州縣接壤黔屬民苗構逆蠻聚蜂屯刻思下竄而湖南西界之防不可撤通計湖南接連六省

惟與四川交界二百餘里尙無賊蹤餘則環境數千里無一處無賊賊之起於鄰省者咨湖南援剿而鄰省并無會剿之兵賊之竄入湖南者惟湖南防剿而鄰省并無追剿之兵自咸豐二年至今四載湖南除剿辦本省賊匪外剿湖北之賊剿廣西之賊剿廣東之賊剿貴州江西之賊各省但有賊入湖南從無兵勇躡蹤追入湖南也中間兩次分援江西見在合圍袁州府城并籌發瑞州一軍吉安一軍以蹙賊勢一援廣東之韶州一進剿廣東之連州一進剿廣東之連州陽山等處一進剿廣東之仁化見又擣平連州牛崽營賊巢一進克貴州之松桃廳銅仁府代爲防守十月之久見又大舉而解銅仁之圍至湖北則本係唇齒之邦陸軍水軍可

駱文忠奏稿卷五

五

以通融協濟者惟力是視尤不待言但有湖南兵勇出境援剿各省之事從無各省兵勇出境援剿湖南之事此湖南軍務之繁難也湖南通省錢糧僅抵江浙一二富郡通省漕米十五萬石有奇僅及江西五分之一非有鹽筴之利關稅之饒也土產米煤竹木而外無珍異之貨民間務農小貿生計儉嗇非有大商巨賈之富頻年兵燹民困未蘇以鄰省較之非若廣東之富強四川之完善也軍興以來湖南首辦軍需首辦防堵迄今七年財力久殫官民交困而用兵之多軍需之繁日增一日計自咸豐五年正月起至六年八月止除州縣辦理防堵應付兵差外支發本省兵勇及援江援黔兵勇鹽糧米折夫役并撥解湖北江西餉銀及撥解湖北

江西軍火子藥槍礮器械盤川賞卹等項共用過銀一百九十餘萬兩錢九十七萬一千餘串湖南旣防剿五省又分援兩省又通融撥解湖北江西兩省餉需爲時旣久悉索已空見在積欠各營及援師口糧計已四十餘萬兩軍士枕戈待哺眾口嗷嗷庫款蕩然無從羅掘此湖南餉需匱竭勢難再支之實在情形也臣受殊恩忝膺疆寄當時局艱難之會仰見我

皇上宵旰憂勤刻以滅賊安民爲急故凡心所可盡者不自量其力之能否竭蹶圖維以求仰慰

聖懷於萬一固不敢以窘苦爲詞稍分畛域亦不敢以請撥鉅款屢瀆

駱文忠奏稿卷五

五

宸聰茲則勢不能支無可挪湊有不得不據實瀝陳者查上年八月臣奏撥四川省銀十二萬兩蒙

皇上天恩俯允所請嗣經臣再三咨商并委員守催僅據前督臣黃宗漢解撥銀二萬兩餘俱不應查四川本完善省分近又專據鹽利如數撥解實非所難合無仰懇

皇上天恩敕下四川督臣將未解銀十萬兩迅速委解稍資接濟此外不敷款項甚鉅并仰懇

敕下戶部察明有著之處量爲籌撥庶湖南得稍資周轉而各路兵勇之餉源未竭亦可稍固軍心感激

恩施實無涯涘謹據實馳奏伏乞

聖鑒訓示施行謹 奏

硃批另有旨欽此同日承准

軍機處單開貴撫具奏請

旨敕撥協餉一摺已奉有寄信

諭旨令四川廣東籌解矣

駱文忠奏稿卷五

美

援江官軍克復袁州分宜郡縣兩城摺咸豐六年十一月十三日

奏爲援江官軍疊獲大勝擊敗援賊克復袁州府城分宜縣城殄除賊匪淨盡恭摺奏祈

聖鑒事竊湖南援江官軍自克復萍鄉萬載兩縣城後會攻袁州各情形經臣奏報在案自七月後卽補道劉長佑率所部各營進偪袁城西南卽選知府蕭啟江率所部各營進偪袁城東北日出隊攻城大小數十戰均有擒斬每次殺賊數十多或一二百而止逆賊堅據袁城爲死守待援之計每遇官軍出隊輒出城一二里施放槍礮抗拒比官軍衝突近前則急縮退城下城上之賊憑城開礮槍子如雨官軍與賊日以槍礮互相格鬪示能以刀矛鏖戰

駱文忠奏稿卷五

著

痛加勦洗也臣於各營稟報到時細察情形竊見賊謀日狡以官軍野戰鋒不可當故圖憑堅城用大礮以老我師而挫其銳披閱每次呈齎傷亡清冊皆係中賊槍礮所致而刀矛傷者百無一二爲之惻然深慮促戰日急則敢死之士傷亡必多而一軍之銳氣漸減袁州城垣三面阻水自近年新修以後樓堞森然賊匪專以守爲長策地道雲梯不能攻有備之城肉薄仰攻不能敵俯擊之勢而游兵四出先清旁邑一策各營將士又以兵分力薄爲嫌城外士民亦以兵撤賊出爲慮再四籌維苦無把握因思自古攻城諸法雖多總以斷接濟覓內應爲主屢次批令劉長佑蕭啟江等善爲籌辦毋專以仰攻力鬪爲能旋據劉長佑稟稱城中米糧尙

多而油鹽漸就匱乏八月十一日賊於南門外嶺上築大營一座
意圖通南路接濟劉長佑蕭啟江等督勇一鼓平之殺賊數百生
擒賊目韋甘惠方澤久奪獲銅礮三尊大鐵礮四尊擡鳥槍二十
二杆旂幟刀矛子藥無數自是劉長佑派隊梭巡南路之油橋東
南路之厚田蕭啟江派隊梭巡東路之夏浦陸續捕獲偽司馬張
明三溫茂才孫習百劉士榜所得油鹽硝磺前後共計一百餘石
是時分宜上高之賊窺蕭啟江及遊擊劉培元都司楊恆升駐萬
載各營均會攻袁州遂率股匪四千餘人乘虛襲攻萬載以圖牽
制官軍畱防萬載之遊擊田興恕會商萬載縣知縣李吉言率虎
威軍及瀏勇禦之斗門陣斬偽指揮艾春榮奪其偽印與馬斃賊

駱文忠奏稿卷五

五

三百餘名生擒二十七名奪獲大小黃白旂二十面擡礮十杆鳥
槍刀矛數十件賊自是不敢復窺萬載八月二十九日吉安有賊
三千餘攜油鹽子藥將由彬江赴袁蕭啟江楊恆升夤夜帶勇疾
趨潛伏隘口截之賊至伏發斃賊數百奪獲旂幟大小百二十七
面馬五匹擡槍四杆鳥槍九杆燒賊船十一隻追至昌山而返九
月二十五日臨江吉安援賊六千餘復由分宜昌山分三路一由
彬江趨夏浦一由五嶺出獅陂峽一由洋橋出石壁長驅而來旂
幟懸互數里輜重居中前後護以大隊劉長佑蕭啟江等亦分軍
三路截之隨地設伏均約俟賊隊過伏見火箭仰射則伏兵齊起
擊之賊三路行近袁城文筆峰瞥見官軍一字橫列嚴陣以待方

整隊欲進忽火箭上射各伏悉起截賊爲數段賊遂大潰油鹽子藥衣服輜重拋棄山積官軍不顧躡蹤猛追槍礮刀矛并進斃賊四五百名奪獲大小黃旗四十二面擡槍八杆鳥槍十一杆馬二匹籐牌五面刀矛二百餘件油鹽子藥數百石餘賊盡夜潰竄分宜官軍以日晡收隊難以運載恐復爲賊所得則盡傾棄於水田中夜分歸營二十六日袁城之賊以官軍追賊或未回營四門各出賊千餘乘虛來撲城上鼓角齊鳴劉長佑蕭啟江等各督勇擊之斃賊二百餘名二十九日援賊復糾餘黨至彬江築營蕭啟江督勇擊走之斃賊二百餘名生擒十六名奪獲大小黃旗六十四面賊印一顆擡槍鳥槍刀矛各數十件燬其營而旋三十日哨勇

略文忠奏稿卷五

五

獲賊諜搜出瑞州臨江吉安各賊目僞文稱於初三日各路糾集萬餘人於分宜取齊初四日大舉來援囑袁城賊目僞春分副侍衛李僞殿右四十二檢點黃等死守以待初三日探報賊眾大至定於初四日分路前來劉長佑蕭啟江會商卽夜派隊一伏厚田一出夏浦一出獅陂而老營各嚴陣以防城賊衝突布置甫定初四日官軍先出夏浦列陣廣潤橋日午賊果蜂擁而來官軍堅陣不動俟賊逼近開放排槍擊之刀矛隊如牆而進賊陣始動正乘勢掩殺間官軍之伏厚田者忽從民房鼓譟而出立斬騎馬賊目二人賊大驚潰逸賊之從左路出者亦隨之而敗官軍出獅陂峽者甫抵峽口卽與右路賊遇是處山林叢雜幫帶虎威軍江西補

用府經歷陳鈞和百長擬保千總余謀忠策馬當先適前隊賊百餘從山內抄出陳鈞和余謀忠馬驚不止登時遇害同知銜卽選知縣劉坤一等急督勇從厚田馳救蕭啟江亦分軍橫躍入陣賊遂反奔各路併力追殺十餘里間賊屍徧地東南團勇亦乘勢蹙之餘賊僅以身免是役斃賊千數百名生擒六十餘名割獲首級七百餘顆奪獲大小紅黃旂幟三百一十一面黃緞馬褂十二件鐵礮七尊擡槍二十一杆鳥槍五十六杆籐牌刀矛計一千三百餘件訊據生賊供稱吉安賊目僞檢點傅姓亦是日中礮帶傷甚重其餘賊目傷斃者約十餘名城賊聞之喪膽自是始謀棄城逃竄而城外官軍密布賊黨受傷者多出亦知其難免遂更番出

略文忠奏稿卷五

三

城攻撲官軍營盤爲死裏求生之計初六初七初八初十等日撲營均經官軍擊退合共斃賊三百餘名而援賊之剿敗者又收合餘燼築營合山人數尙五六千劉長佑蕭啟江復稟調駐醴萍交界之都司余星元所部長勝軍駐萬載之遊擊田興恕所部虎威軍赴袁助剿蓋冀埽除援賊則城賊之望自絕城可速下也適探報吉安賊目僞檢點傅忠信於初四日受傷十三日死於花橋羣賊洶洶更無鬪志是日劉長佑蕭啟江田興恕匹馬當先手刃三賊擬保千總劉吉三沈宏富擬保把總楊巖寶劉義方田興奇全祖凱怒馬衝殺蕭啟江親督湘勇繼之賊由昌山潰走分宜官軍躡蹤猛追離分宜十五里始收隊回營共斃賊三百餘名生擒五

十餘名奪獲大小旂幟五十一面大小礮兩尊擡槍鳥槍二十三杆刀矛雜械不計其數二十四日劉長佑蕭啟江復派隊夜襲分宜距城里許賊方驚覺城上旂幟紛動眾聲喧譟官軍大呼衝殺賊啟東門逸去官軍截其後隊斃賊一百數十名內有斷後黃馬褂賊目數名立復縣城分軍駐守自是袁城之賊外援盡絕而城中兩月餘以來油鹽既斷米糧火藥亦日就匱竭長髮賊與廣賊彼此怨憤益洶洶不知爲計矣劉長佑蕭啟江等會商賊已困極且耀兵晝夜環攻以擾之一面射示城中長髮賊能殺廣賊投誠者免死廣賊能殺長髮賊投誠者亦如之偽殿右四十二檢點黃毓生僞春分副侍衛李能通益各懷疑懼互相猜貳各賊目均知

駱文忠奏稿卷五

三

城破在旦夕多冒死出投者劉長佑蕭啟江晝夜列隊環城急攻之二十七日卯刻正轟擊間忽城中兩騎馬賊自西門投出棄械跪稱李能通願棄械投誠乞恩自效劉長佑立飭同知銜卽選知縣劉坤一單騎覘之須臾李能通及書使喻春榮十餘人果徒手來奔俯地叩頭上其僞印劉坤一察其情詞真切遂領投劉長佑營次劉長佑一面遣急足飛稟候示一面責其速覓內應始免其死自李能通出投之後城中樞擾益甚官軍於賊中動靜無不知之劉長佑晝夜派隊潛伏各路截其竄逸一面督隊攻城十一月初一夜卯刻僞檢點黃毓生率死黨潛由東南門逸出適守備銜千總崔大光伏兵急起遮之旋卽驚縮入城李能通黨報知官軍

約潛啟西門以待在城降賊均裹白巾以爲識別劉坤一督同楚
勇各百長都司黃三清守備梁開國各率所部奪門而入登城周
麾而呼見賊卽殺城下官軍紛紛架梯緣城而上賊由南門突出
墜城死者不可勝計僞檢點黃毓生以死黨百餘斷後甫行里許
官軍追及楚勇胡盛久等四人擒之以歸其由東南路繞竄逃逸
者官軍已節節密布劉長佑蕭啟江復加隊緊追前後夾擊共計
各路斃賊五千餘名內賊目之號稱指揮將軍監軍總制及師帥
旅帥各僞官者約數十名生擒四百三十九名內有僞指揮楊如
松旅帥李春等十數名而鄉團之擒斬者不計割取首級二千三
百零三顆而髮辮左耳不計奪獲大礮三十九尊擡槍五百二十

略文忠奏稿卷五

奎

五杆鳥槍三百六十七杆大小旗幟四百四十三面刀矛雜械不
計奪獲僞印七十二顆僞執照十八張而黃紅衣帽及各賊服飾
不計惟騾馬僅只二百四十四匹則以賊因飢而宰食者多火藥
鉛子僅獲八石米糧亦不過百數十石而已其投誠者二千六百
餘名見飭劉長佑妥爲安置一面設法遣散此十一月初一夜克
復袁州府城初二日追斬賊匪全股殲滅之實在情形也臣維逆
賊自金田倡亂以來糜爛半天下徒恃其黨堅交祕足以鈐束羣
賊就其驅使而僞目兇渠又各以威詐脅其黨眾令其顛倒於鋒
鏑之中而未由自拔軍興以來克復城池雖多究未有賊渠獻城
乞命之事一則劫於賊之積威隱忍不決一則自知罪孽太深終

恐難逃顯戮也此次降賊李能通本係賊中著名頭目因袁城援盡食絕始幡然決計投誠與尋常自拔來歸者有間然密囑其黨開門延納官軍似其贖罪之誠亦尙可信見在江西踞城各股多係老賊與廣東新附之賊相參知李能通投誠之事則彼此之猜端必起機或可乘未嘗非用奇之一助也臣當批示劉長佑該犯情罪重大本無可寬今因勢蹙來歸殺之不武疊奉

諭旨凡賊中自拔來歸者准其免死應卽欽遵辦理以普

皇仁而昭大信至此次官軍合攻袁城歷五月之久內截城賊之出外防援賊之入在事文武員弁兵勇前後數十百戰殺賊萬餘力挫兇鋒異常奮勉陣亡者至百數十名之多受槍礮傷者至千

駱文忠奏稿卷五

奎

餘名之多卒能克復堅城盡殄羣醜洵屬著有成績合無仰懇

天恩立沛以獎微勞江西卽補道劉長佑忠謹醇厚洞曉戎機請賞加按察使銜并懇

賞給該員父母三品封典卽選知府蕭啟江自合攻袁城每次防勦城賊截擊援賊皆身先士卒不避艱險請

賞加道銜并

賞給該員父母四品封典同知銜卽選知縣劉坤一請以直隸州歸部卽選并

賞戴花翎湖南卽補遊擊田興恕請以參將仍畱湖南補用卽補都司楊恆升每戰奮不顧身額受槍傷壯懷彌厲請以遊擊畱於

湖南補用升用遊擊劉培元臨陣奮勇曉暘軍務請以參將畱於湖南補用守備銜千總崔大光膽力俱壯請以守備畱於湖南補用并請

賞戴花翎所有陣亡之江西補用府經歷陳鈞和請照府經歷例從優議卹千總李光祝請照守備銜從優議卹擬保藍翎千總余謀忠請照千總例議卹擬保把總撫標右營兵丁任開元請照把總例議卹擬保外委撫標左營兵丁石大美請照外委例議卹以慰忠魂其餘尤爲出力之員弁兵勇可否容臣核明勞績彙入克復萍鄉萬載兩案開列名單從優奏請恩施以昭激勸伏候

駱文忠奏稿卷五

皇上聖鑒訓示施行謹 奏

硃批另有旨欽此

咸豐六年十一月二十四日內閣奉

上諭駱秉章奏赴援江西官軍迭獲大勝克復袁州分宜郡縣兩城一摺湖南官軍赴援江西自克復萍鄉萬載兩邑後袁州賊勢較孤尙與分宜等處踞城之賊互相援應卽補道劉長佑卽選知府蕭啟江合兵環攻并派隊梭巡斷賊接濟八月十一日賊於南門外築營兵勇一鼓平之斃賊數百生擒賊目韋甘惠等并於油橋等處捕獲偽司馬張明三等分宜上高之賊遂攻萬載以圖牽制官軍被遊擊田興恕等擊退擒斬三百餘人吉安臨江之賊復

各齎油鹽子藥以大隊護送赴袁均被劉長佑等先後奮力擊敗城內出撲之賊亦被擊退吉安臨江瑞州各賊黨乃糾集萬餘人於分宜取道十月初四日拌死來援劉長佑蕭啟江列陣廣闊橋俟賊逼迂奮勇衝殺厚田夏浦獅陂之路伏兵復鼓譟齊出賊眾大驚奔潰官軍追殺十餘里賊屍徧地餘匪築營合山劉長佑等復分路進剿殲戮殆盡計自八月二十九日至十月十六日共擒斬援賊三千六百餘名并擊斃偽檢點傅忠信等奪獲槍礮旂幟等無數二十四日遂派隊夜襲分宜立將縣城克復賊援既盡賊勢益窮偽副侍衛李能通率十餘人來投并令其黨爲內應十一月初一日卽選知縣劉坤一都司黃三清守備梁開國等奪門而入僞檢點黃毓生由南門突出被楚勇胡盛久等擒獲其餘竄逸賊匪被官軍節節殲斬共斃賊五千餘人生擒僞指揮楊如松等四百餘名割取首級二千三百餘顆墜城死者復不計其數奪獲槍礮旂幟一千數百餘件袁州府城當卽克復劉長佑等經駱秉章派令赴援江西五月之中前後數十百戰殺賊萬餘遂能克復堅城盡殄羣醜實屬奮勉出力江西卽補道劉長佑著賞加按察使銜并賞給該員父母三品封典卽選知府蕭啟江著賞加道銜并賞給該員父母四品封典同知銜卽選知縣劉坤一著以直隸州知州卽選并賞戴花翎湖南卽補遊擊田興恕著以參將仍留湖南補用卽補都司楊恆升著以遊擊畱於湖南補用升用遊擊

劉培元著以參將畱於湖南補用守備銜千總崔大光著以守備
畱於湖南補用并賞換花翎其餘出力員弁兵勇著駱秉章查明
巢入克復萍鄉萬載案內從優請獎陣亡之江西補用府經歷陳
鈞和著照府經歷例從優議卹擬保守備千總李光祝著照守備
例從優議卹擬保千總余謀忠著照千總例議卹擬保把總兵丁
任開元著照把總例議卹擬保外委兵丁石大美著照外委例議
卹李能通身陷賊中卒能自拔來歸著免罪畱於軍營效力俟續
有勞績卽行保奏欽此

籌撥兵餉援剿江西吉安片

咸豐六年十一月十三日

再此次湖南援剿江西

臣

原擬由三路前進一由北路出瑞州一

由中路出袁州一由南路出吉安方可漸期得手然出師外省較

本省爲難非謀勇兼資足當一面之將則僨事堪虞非餉需粗足

略敷數月之供則飢潰可慮

臣

前於湖北所撥援江楚軍追賊過

長沙時卽飭其由萬載新昌上高以擣瑞州并湊給銀萬兩而後

援江有北路之一軍蓋帶勇之劉騰鴻本

臣

上年所委以援鄂者

其人才可用而參將普承堯亦隨前提

臣

塔齊布曾立戰功亦

所素知也至南路吉安原應早出一軍以取建瓴之勢無如中路

袁州兩軍人數已踰九千口糧欠至百日實不能再籌一軍之餉

駱文忠奏稿卷五

七

前此兩次欽奉

寄諭垂詢卽選道王鑫如該員病能痊愈飭令由茶陵州進剿蓮

花廳一帶以資策應維時王鑫病實未痊亦未便促其前往比王

鑫病愈來省謁見而石逆上竄武昌警報紛至

臣

以石逆狡悍非

王鑫不能制之遂飭王鑫率勇赴岳州相機援剿而前羅定協副

將周鳳山適自江西繞道福建廣東來省稟請募勇復赴江西剿

賊

臣

以其久經行陣札飭募道州勇二千餘名兵部侍郎

臣

曾國

藩之胞弟同知銜優貢生曾國荃亦收輯前甯紹台道羅澤南部

曲及湘勇之在大營告假養傷歸籍者千餘名益以新募之勇共

二千名請赴江西討賊而降調湖北藩司夏廷樾新授江西吉安

府知府黃冕目覩湖南餉項艱窘至亟請勸各商竭力捐輸諭以
募勇援剿吉安共伸討賊之義陸續據報書捐至十數萬緡臣卽
先後札飭周鳳山曾國荃等由江西萬載萍鄉前進合剿安福直
擣吉安黃冕夏廷樾等會督繼進其所以不由茶陵州進剿者蓋
竊以由茶陵出境須次第攻取蓮花廳永新永甯諸縣道路迂遠
賊得益爲之備不若由萍鄉進攻安福卽可徑抵吉安也如吉安
速下則各廳縣之賊心膽已寒勢將自潰縱令不然湖南沿邊防
兵亦可各由邊隘進攻共相牽制似與三路援江之局相符於江
西大局不無小補所有夏廷樾黃冕籌勸兵餉會督楚軍援剿吉
安緣由理合附片陳明伏乞

略文忠奏稿卷五

奏

皇上聖鑒訓示謹 奏

硃批知道了欽此

北路官軍越境剿賊獲勝摺

咸豐六年十一月十三日

奏爲北路官軍越境剿賊獲勝見在辦理情形恭摺奏祈

聖鑒事竊

臣前奉

寄諭官文奏漢陽近日攻剿情形并分兵赴武昌助剿一摺見在賊援麇至號稱數萬其中多裹脅游民未必盡如粵匪之兇悍惟旣欲攻城又禦援賊不免受其牽掣而見在附近各省實無可添調之兵湖南省唇齒相依道路較近未知有無可調兵勇前往湖北協剿著駱秉章酌量情形趕緊辦理如能抽撥兵勇速派得力之員統帶前赴湖北會剿得此一軍以禦賊援則官文等可專力攻剿克復城池不至兩面受敵爲賊牽掣矣將此由六百里加緊

略文忠奏稿卷五

完

各諭令知之欽此

臣

維湖北武漢兩城尙未克復而前此石逆攻

陷金陵大營後挾其屢勝之氣上援武昌逆黨揣度賊情原以武

漢勢踞上游南岸官軍夙稱精銳欲乘勢夾擊肆其狂謀

臣未奉

諭旨之先屢接署湖北撫

臣

胡林翼記名道李續賓疊次函稟皆

稱賊勢猖獗請速派精兵預籌策

臣

擬時兩粵邊防孔亟而他軍

又慮不足以制強寇而操必勝之權

臣

因飭卽選道王鑫速帶舊

部湘勇并益以新募之軍共二千人馳赴北路如鄂軍必須策應

則捲甲趨之比王鑫成軍將出則石逆大股已經胡林翼李續賓

楊載福等擊敗鼠竄矣

臣

以武昌之賊久已窮蹙慮其鋌而走險

或擾咸蒲以犯岳州而通城崇陽一帶介居江西湖北之間久爲

賊數自石逆上竄之時鼠輩更形得志糾黨肆出屢擾鄂岳之間自平江北界至湖北咸甯之黑橋自臨湘芭蕉坳至蒲圻之羊樓司周三百餘里皆爲賊藪其意似欲牽制攻鄂之軍以延其餘喘非大軍駐岳控制相機雕剿不足以資震懾而速戎機比卽札飭王鑫仍須整軍北出節節搜剿以重鄂湘兩省之防王鑫平日征剿賊匪所至之處每兼辦團練輔之其能以寡勝眾亦每借助於此抵岳以後卽擇地駐紮督辦巴陵臨湘蒲圻通城崇陽各縣團練清鄉族以靖匪練壯丁以從征漸有成效十月初二日有賊三千餘竄擾臨湘之賀家坂管帶長勝軍守備銜益陽千總洪定陞遇賊前隊擊敗之追至沙潭忽前面高山大股賊匪突出洪定陞

駱文忠奏稿卷五

五

督兵勇禦之斃賊數十賊下山分股抄圍適補用遊擊朱南桂所部湘勇飛奔前來賊始驚潰乘勢合隊追至簷家橋將賊巢焚燬淨盡斃賊多名敗匪從山上逸去朱南桂洪定陞躡蹤追之復殺賊百餘名王鑫派卽選同知張運蘭率湘勇由北港前進剿通城之賊十二日卯刻襲賊營於石南橋破之十三日賊目金十二僞副將軍張庸忠率賊二千餘協理僞官魯三元率賊千餘分兩路來撲營盤張運蘭詎知之爲三伏於營前而親率旂長彭聲發嚴裝以待賊果飛馳呼譟而來覺已入伏則併力死鬪彭聲發率壯士貫陣直入連斬賊目數名賊大披靡各勇縱橫擊刺陣斬僞將軍張庸忠追至莊前遇賊之後隊衝殺數十名餘賊棄械狂奔奪

獲大黃旗三十面槍礮刀矛無數生擒賊目魯三元中十一軍典糧吳立喜僞監軍及僞總管五名此股以渠目擒斬殆盡不能成軍亦不敢復踞城也十六日王鑫勦分水坳之賊殺賊百餘陣斬僞經歷陳姓生擒賊十六名見查久駐崇陽賊目爲僞監軍會添爵蒲圻賊目爲梁一舉而與國大冶老賊三千餘尙屯聚崇陽其崇蒲一帶近山各處之零股賊匪蜂屯蟻聚者約尙十餘起王鑫見正督各員弁練團搜勦并飭各鄉各族縛送眞賊已獲斬三百餘名似不難漸次肅清鄂岳之間民氣漸固矣所有北路越境辦理情形理合據實陳奏伏乞

皇上聖鑒訓示施行謹 奏

略文忠奏稿卷五

五

硃批知道了欽此

援黔官軍攻克三元屯三角莊逆巢摺

咸豐六年十一月十三日

奏爲援黔官軍疊獲大勝攻克銅仁縣屬三元屯銅仁府屬三角莊逆匪老巢境內漸次肅清恭摺具奏仰祈

聖鑒事竊楚軍分路防剿貴州銅仁賊匪及固守銅仁府城連踏賊營二十一一座立解城圍各情形均經奏報在案查銅仁之亂因錢糧起釁而教匪會匪乘之府屬地方周數百里而統名五崗其倡亂也以錢糧爲詞故其動眾也速一變而五崗團練靡不聞風響應從亂如歸逆賊於五崗極深險之處三角莊建立木柵石城爲老巢距銅仁府城僅二百餘里銅仁縣屬徵收較輕民情尙便故雖府屬之民盡變而縣屬三崗糧戶尙未附和爲逆其士民自

駱文忠奏稿卷五

三

相保聚之處爲三元屯嗣地內奸民有潛通逆賊者三元屯遂亦爲逆賊所踞迨攻銅仁窺鎮筓臬廳均爲楚軍擊敗於是盡移其資糧甲仗於三元屯三角莊而脅眾堅守各隘以抗官軍賊固料楚師乏糧不能久與相持而兩巢高踞萬山之巔客兵亦斷不能爲犂巢擣穴之舉也同知銜知縣兆琛鎮筓都司吉隆阿補用都司田宗蕃知縣吳自烈等既連破清水塘文筆洞野雞坡毛溪等處賊巢卽議移軍先攻三元屯辰沅永靖道翟誥以其地險難攻密飭千總周宏印鄒明英帶同土守備吳永清龍子亮麻文貴等由大興落潮井拔營先攻牛欄場賊巢以襲其後路十月初四日周宏印等攻牛欄場斃賊數十賊奔回巢田宗蕃兆琛等密約初

六日會攻三元坵距坵五里有地名溪口賊數千守之溪口對岸爲何家坡亦有伏賊吉隆阿田宗蕃兆琛等商派補用千總吳支升田慶品熊三喜知縣吳自烈土守備吳添富率兵勇由大路進爲前隊自率兵勇繼之把總李光良秦友文帶健勇八百伏孟溪以防何家坡之賊吳支升等甫行二里許卽有賊截其後路李光良等伏兵從孟溪殺出吉隆阿等大隊繼至賊勢稍卻李光良復追過何家坡遶出溪口之前賊眾始亂吳支升吳自烈陣擒僞將軍張友于士氣益奮刀矛并進斃賊數百官軍卽進紮溪口偏之是夜有陷賊之良民郭世仲來營稱三元坵四面石壁峭拔由山麓至山頂凡三層每層有堡賊復加剷削非力攻所能拔惟溪口

路文忠奏稿卷五

三

有山徑須繞道十餘里由沱水坪進可達三元坵之下堡請官軍分道前進已密約良民於中堡舉火內應初六日辰刻宿霧未收田宗蕃等率漢土兵勇由大路吉隆阿兆琛率兵勇由小路潛進賊據堡施放槍礮子如雨下官軍未能踰濠田宗蕃由東小路抄出賊前時已日高霧散中堡賊方指揮羣賊赴下堡助戰忽聞山頂槍礮聲震則周宏印吳永清已從後路襲破上堡矣中堡之內應者急舉火以示官軍賊倉卒莫知所爲田宗蕃吉隆阿兆琛等急督官軍越濠夾攻拋擲火彈立將下堡焚燬賊窟中堡官軍上下兜擊自己至申斃賊近千名生擒僞都司何有明等及餘賊一百四十六名其墜巖落澗死者無數可紀也奪獲僞招討大元帥

大旂及僞將軍都督校尉大旂并紅白黃旂四十餘面大礮三尊擡槍九杆鳥槍刀矛七百餘件餘賊遁回壩盤初七日吉隆阿田宗蕃吳自烈等由大江進甫抵壩盤賊卽來撲官軍擊敗之賊復糾聚各團四面設卡環偏官軍斷我後路初十一十二等日數路圍撲營盤雖經擊敗而裏糧已竭軍士無從覓食日掘山藷充飢且戰且守情形危急翟誥及鎮筵鎮總兵文安聞壩盤被圍急飭周宏印等星夜赴援十三日賊五路來撲營壘官軍相持四時不決忽後路呼聲震天賊之後隊稍動田宗蕃等知周宏印援軍已到督各路極力衝殺內外夾擊斬悍賊三百餘名內有僞將軍二名生擒五十餘名擊斃跌斃無數正收隊聞花橋掛扣銅鼓等

路文忠奏稿卷五

五

處援賊復至官軍擊之斬首四十餘而軍威益振吉隆阿田宗蕃吳自烈等乘勝復進有鐵鑛坪之捷兆琛等有潞溪之捷其斃賊數百割獲首級三百餘顆生擒僞將軍李拔劉天宗僞校尉郭金受并餘黨九十餘名而大小江兩路入五崗之要隘已爲官軍所扼五崗士民始識兵威迎風納款賊退竄三角莊兆琛吉隆阿田宗蕃知賊已破膽雖有險不能久踞也畱軍駐守兩關星夜督兵前進直擣三角莊老巢黔省已革同知王敬烈前署銅仁副將圖塔納亦帶勇踵至二十六日黎明大霧迷漫吳支升周宏印鄒明英吳自烈已革晃州廳通判楊泰來督漢土兵勇徑抵關卡賊猶恃險抗拒官軍僞退賊傾巢出追官軍回旂擊之賊敗回巢吳自

烈等所部勇丁混入賊隊甫入關卽拋擲火彈焚燒賊棚賊眾大亂官軍斬關而入遇賊卽斫殲賊無數墜巖澗冒木石死者不可勝計立將三角莊木城焚燬勇目吳自發土兵吳有林救出兼護貴東道署銅仁府知府楊書魁時已憂病垂危矣隨負送兆琛營盤調養官軍隨進攻逆賊所建石城僞殿吳自烈所帶韜勇吳添富所帶土兵先登縱火兵勇鼓譟而進斬馘數百餘匪已先由山後竄逸官軍躡蹤緊追生擒僞將軍董浩然一名僞校尉夏迎賓等一百四十五名割獲左耳三百餘奪獲僞印九顆大小旂幟槍礮刀矛無數首逆是否被火焚燒抑或由山後逃逸思南石阡印江等府縣見飭查明一面窮搜巖穴以淨根株其閔家場狗牙場

駱文忠奏稿卷五

七

纏溪苗旺岳家寨標杆河等寨聞尚有匪徒屯集見在分途勦辦此楚軍追勦銅仁賊匪攻克賊巢之實在情形也臣維銅仁賊匪

起事之始得良有司勤恤民隱寬猛兼施原可無煩兵力自兩次決裂之後教匪會匪乘機勾引賊勢猖獗馴至府屬之民羣起從逆而崗苗及川黔無藉之民從而附之漸爲黔楚大患仰賴

皇上天威遠播得以迅速就緒已壞之局再獲安全此固非意料所及也黔境跬步皆山而三元坵三角莊尤爲天險三角莊距銅仁城尙二百六十餘里高五十里人迹罕到賊匪恃爲老巢於峰迴路轉之處節節設卡抗拒自三元坵破賊膽已寒自潞溪鐵鑛坪兩捷而五崗門戶全失官軍因逆黨心離乘勝速勦晝夜疾進

履險如夷。猱騰隼集。采入其阻。當餉置事棘之時。徵兵踰萬。幸葺事迅速。得以少糜巨帑。文武之運籌決勝。將弁兵勇之奮勉圖功。其微勞似有不可沒者。運司銜辰沅永靖兵備道翟誥。久任苗疆。熟諳地勢。苗情洞中機宜。無分畛域。應請

賞加按察使銜。鎮筵總兵文安老。成諳練會督。布置諸臻。妥協請賞戴花翎。丁憂揀發。知縣兆琛。請以同知直隸州儘先補用。并請賞戴花翎。卽選知縣吳自烈。上次銅仁案內擬保升同知。此次請以同知歸部遇缺卽選。并請

賞戴花翎。藍翎都司田宗蕃。上次銅仁案內擬保遊擊。此次請以參將畱於湖南補用。并請

賂文忠奏稿卷五

美

賞換花翎。揀發都司吉隆阿。請以遊擊畱於湖南補用。并請

賞戴花翎。藍翎千總周宏印。請以都司畱於湖南補用。補用千總吳支升。請以守備畱於湖南補用。并請

賞戴藍翎。已革晃州廳通判楊泰來。請開復原官。仍畱湖南補用。免繳捐貲。其餘在事出力員弁兵勇。可否由臣核明彙入上次克復銅仁案內開單一併彙保之處。出自

恩施。謹據實馳奏。伏乞

聖鑒。訓示施行。謹 奏

硃批。另有旨。欽此。

咸豐六年十一月二十四日內閣奉

上諭賂秉章奏援黔官軍攻克逆匪老巢銅仁府縣各境漸次肅清一摺銅仁匪徒聚眾倡亂圍困府城并侵擾湖南鎮筵晃州等處一帶邊境前經湖南官軍屢次勦敗立解銅仁府城圍該逆復敢屯踞該府屬之三角莊銅仁縣屬之三元屯等處據險抗拒經官軍於十月初六日進攻三元屯分兵設伏陣擒偽將軍張友于斃賊數百名復分兵由間道繞出山頂襲破上堡中堡匪眾慌亂官軍遂乘勢將下堡賊屯焚燬餘匪竄入中堡官軍上下兜擊斃賊幾及千名生擒偽都督何有明等及餘賊一百四十六名墜巖落澗者無數官軍進抵壩盤賊於十三日五路圍撲鏖戰四時復經援軍內外夾擊立斬偽將軍二名悍賊三百餘名生擒五十餘

路文忠奏稿卷五

七

名轟斃跌斃無算并將花橋等處來援之賊擊退斬首級四十餘顆其進剿鐵鑛潞溪等處各軍復乘勝斃賊數百名生擒偽將軍李拔等并餘黨九十餘名二十六日楚軍會合黔勇徑擣三角莊斬關直入殲戮無算立將木城焚燒乘勝進攻石城爭先登城縱火斬馘數百并追獲偽將軍董浩然等一百四十餘名奪獲偽印九顆旂幟槍礮刀矛不計其數此次湖南援軍越境勦賊連克險要賊壘殲擒殆盡銅仁府縣各境漸次肅清辦理甚屬妥速著卽乘此聲威迅將逃竄及分屯各處零星匪搜捕淨盡毋畱餘孽辰沅永靖道翟誥著賞加按察使銜鎮筵鎮總兵文安著賞戴花翎同知銜丁憂揀發知縣兆琛著以同知直隸州知州儘先補用并賞

戴花翎卽選知縣吳自烈著以同知遇缺卽選并賞戴花翎都司田宗蕃著以參將畱於湖南補用并賞換花翎揀發都司吉隆阿著以遊擊畱於湖南補用并賞戴花翎藍翎千總周宏印著以都司畱於湖南補用千總吳支升著以守備畱於湖南補用并賞戴藍翎己革晃州廳通判楊泰來著開復原官仍畱於湖南補用并免繳捐資其餘在事出力員弁兵勇著俟該撫彙入上次克復銅仁案內一併酌量保奏候朕施恩欽此

銅仁漸次肅清請 敕黔撫遴員履任治理片

咸豐六年十一月十三日

再銅仁府屬縣屬境內已漸次肅清楚軍斷難如前代爲防守且善後事宜及搜捕餘匪亟須黔員辦理呼應始靈請

敕下貴州撫臣加意遴擇廉明府縣剋期履任以資治理謹附奏

請

旨

硃批另有旨欽此

駱文忠奏稿卷五

五

北路官軍肅清湖北通城崇陽蒲圻通山四縣回駐岳州摺

咸豐六年

十二月二十九日

奏爲北路官軍越境剿賊疊獲全勝通城崇陽蒲圻通山一帶肅清仍回駐岳州以便控制恭摺奏祈

聖鑒事竊

臣

前調卽選道王鑫帶所部勁勇赴岳州相機雕剿督

辦巴陵臨湘蒲圻通城崇陽團練所有通城蒲圻兩獲全勝擒斬賊目并團練搜剿情形已經奏報在案是時王鑫已由臨湘龍窖源進駐通城其在龍窖源時計擒倡亂首匪鍾華玉周美玉等近百名所派分駐通城之卽選同知張運蘭分駐通城水口鋪之遊擊朱南桂分駐蒲圻羊樓崗之益陽千總洪定陞等所捕土匪隨

駱文忠奏稿卷五

全

時訊決者亦眾遂下令聯團殺賊勒捕匿匪而良民之氣漸壯始敢顯然與賊爲仇王鑫在通城窮治土匪嚴整四鄉團練漸有起色適探報崇陽之石屋洪橋雷駱等堡團民連日與賊搏戰先勝後敗王鑫率勇急援之十一月初五日抵崇陽之洪橋堡賊分三路前來王鑫設伏待之陣斬悍賊百餘賊大奔追至龍船港賊背水回拒擊敗之追至官塘畝白泉橋崇陽縣城之賊出城援應與官軍遇又敗之沿途斃賊約數百名生擒先鋒賊目九名奪獲槍械旂幟無數賊亦不敢據城相抗宵遁白霓橋王鑫欲誘其撲營盡殲之賊殊狡猾數日不至僅初十夜潛至對河見各營靜寂無聲遽引去十一日黎明王鑫出隊剿白霓橋之賊派遊擊朱南桂

等由左路高回嶺進都司陳品南易普照由右路石子岸進王鑫自率湘勇由中路進右路官軍先到賊整隊抗拒易普照匹馬陷陣連斫數賊賊陣始亂百長唐清揚馳馬蹶之朱南桂等由左路奄至陳品南劉榮華等復由右路斜擊之官軍縱橫盪抉連斬紅袍騎馬賊目十餘名斃賊三四百名溺斃無數王鑫縱兵追截直至通山縣二都地方收隊沿途斬獲不計其數陣斬僞總制韋再站先鋒胡老貴等奪獲僞印七顆生擒三十五名奪騾馬十五匹旂幟槍械千餘件而崇陽遂無賊蹤王鑫派朱南桂洪定陞兩營進勦蒲圻據城之賊賊目梁一舉誤疑王鑫大隊全進懼竄興國朱南桂等抵蒲則賊遁一日矣興國諸賊均崇通蒲敗亡之餘適

駱文忠奏稿卷五

全

賊之竄江西武甯者經建昌縣官軍擊敗折回興國併屯州城聞王鑫方攻蒲圻意崇陽官軍無多也思合力潛犯崇陽以圖報復不知王鑫全軍六營尙駐崇陽西門七星嶺故未移也二十一日興國賊七八千至通山號稱數萬一由沙坪一由界頭而來王鑫密調張運蘭駐通城之軍來助張運蘭半日半夜馳一百二十里到崇則賊已抵白霓橋距營僅十五里矣二十二日辰刻賊分五路撲營王鑫預伏以待未幾紅衣黃巾漫山而至其氣甚囂官軍靜以待之賊由北門畷先撲第二營湘勇接戰示之以怯賊蜂擁而進伏軍從林中發劈山礮羣子如雨賊旂紛紛倒地適第六營亦誘賊近營王鑫發號振鼓各路齊進橫衝側擊頃刻屍橫遍野

羣賊亂奔大溪山南門洲伏兵截之於前大隊從後猛追之陣斬騎馬賊目八名而奪其馬追至白霓橋約計斃賊八百餘名忽白霓橋股匪出而接應又擊敗之復追至路口賊翻山四竄日暮官軍收隊而還生擒賊目偽協理熊正良傅雲魁等五十四名奪獲大黃旂二百九十餘面擡鳥槍四十七杆刀矛千計馬十三匹僞印七顆雜械無數餘賊竄通山二十五日王鑫率全軍追至通山則賊又竄興國州矣武昌省城克復之後南岸大軍追剿迅速克復興國州城賊又敗竄王鑫卽駐通山搜匪練團據稟通城崇陽蒲圻通山實已無賊見擇委士民搜匪辦團已著成效此北路越境剿辦通城崇陽蒲圻通山收復四縣一律肅清之實在情形也

駱文忠奏稿卷五

全

十二月十一日奉

上諭前據駱秉章奏崇陽通城一帶久爲賊藪因飭卽選道王鑫帶湘勇并新募兵三千馳赴北路駐紮岳州相機雕剿以重鄂湘兩省之防本日復據官文奏崇陽通城毗連江西瑞州義甯爲湖北省城後路攸關王鑫進剿崇通土匪極爲得力請畱該員督率南勇駐紮崇通以清逆黨巢穴等語王鑫紮駐岳州督辦崇通蒲圻等縣團練已據奏稱漸有成效惟崇通一帶介居江西湖北之間爲逆賊往來孔道著該撫卽飭該員帶兵前進駐紮崇通遇有賊匪隨時剿捕以清巢穴而杜亂萌將此由六百里諭令知之欽此

臣維湖北南岸下游陸路之要在興國一州由此而西北通大

冶武昌江夏瀕江之路出鄂城之下由此而西通通山崇陽通城咸甯蒲圻依山之路出鄂城之上其地緊接江西爲古昔用兵間道漢伍被告淮南王所言守下雉之城絕豫章之口卽指州境故城而言唐淮南將李神福擊武昌節度使杜洪得永興喜謂已得鄂之半永興卽今州城也宋建炎間金人由黃州渡江遂入興國大冶界取山路入江西是興國一州爲湖北江西兵行間道關係兩省地所必爭興國有重兵駐守則江西陸路之賊不能闖入鄂省此外鄂省應防者惟義甯由南樓嶺竄通城一路是處山路崎嶇有險可扼見在義甯無賊則通城之防尙緩至崇陽爲湖北積亂之區自道光二十年鍾人傑倡亂後匪徒漏網者多疊次搜捕未盡以故禍機一發莠民從亂如歸毒流三省臣之調王鑫駐岳并隸以朱南桂洪定陞兩軍者原以嚴岳鄂之防嚴岳鄂之防則必先清通崇之匪茲幸仰賴

駱文忠奏稿卷五

三

天威自王鑫越境分道勦捕以來爲時已歷三月通城崇陽蒲圻通山以次搜捕蕺事據王鑫稟報四縣團練之局已成縛斬積匪不少境內已清惟崇陽賊目曾添爵蒲圻賊目梁一舉竄逸江省此時湖北興國州有官軍分駐而通城崇陽又已設官若仍以重兵久駐崇通則岳陽要郡轉覺空虛近無以懾巴陵之心遠無以壯咸蒲嘉之勢洵不如仍駐岳州兼督巴陵崇通蒲各處團務於兩省大局有裨聲勢尤爲聯絡王鑫於未奉到

寄諭之前已凱撤回岳臣比札飭該員暫駐岳州就近偵察情形如鄂省上游江西邊界有警卽當出其不意捲甲赴之此亦猛虎在山之勢也所有王鑫一軍勦賊屢獲全勝崇陽通城蒲圻通山搜捕事竣見已回駐岳州情形理合據實陳奏至此次官軍越境勦捕先後肅清四縣著有微勞可否由臣核明酌保之處出自天恩謹具摺陳奏伏乞

皇上聖鑒訓示施行謹 奏

硃批另有旨欽此

咸豐七年正月初十日內閣奉

上諭前據官文等奏湖南官軍越境勦賊通城崇陽蒲圻通山四

駱文忠奏稿卷五

五

縣一律肅清茲據駱秉章奏通城等縣搜捕蕞事見辦團練著有成效候選道王鑫已凱撤回駐岳州等語此次官軍越境勦捕通城等縣迅就肅清洵屬著有微勞除候選道王鑫業經降旨加恩外所有在事出力之文武員弁等著該撫查明保奏以示鼓勵欽此

貴州銅仁府境肅清首逆擒斬楚軍凱旋摺

咸豐六年十二月二十九日

奏爲貴州銅仁府境一律肅清逃逸首逆均經擒斬楚軍凱旋恭摺奏祈

聖鑒事竊貴州銅仁首逆嚴占鼇趙子澹卽田瑞龍劉士美陳福林等結黨倡亂黔省鼎沸擾及楚疆疊經楚軍勦辦獲勝所有攻克三元坵三角莊賊巢情形均經奏報在案自賊巢旣破黔民震

懼

天威被脅勉從之眾均卽時解散銅仁府縣各境已無成股之匪十一月初一日楚軍偵知首逆陳福林伏匿苗旺寨都司吉隆阿守備田宗蕃率兵練圍捕初四日大霧漫山官軍從山後覓徑攀

駱文忠奏稿卷五

壹

躋而上焚其寨柵斃賊百餘生擒僞校尉楊正述及陳福林之弟陳代林逆首陳福林率數十賊翻山竄逸千總周宏印督營兵黃應忠田慶治等生擒之并殲其餘黨官軍連日搜山於閔家場獲僞將軍張二捧捧王誠於梵淨山獲僞將軍滿萬元賊目尤大潮僞元帥吳和尚卽吳朝棟僞元帥龍恩普僞大將軍張蜚江口團民細送僞將軍范蜡狗前晃州廳通判楊泰來生擒田小晚等十六名均經訊明軍前正法梟示其僞大元帥劉士美僞元帥楊宗保吳大刀僞軍師吳效祖高永年等竄至石阡府境均經軍功王士秀會石阡團練擒獲其首逆趙子澹嚴占鼇亦經餘慶縣團練擒獲就近解送黔省審辦湖南委員兆琛由石阡府凱撤回楚沿

途復搜獲僞先鋒馬三保首逆徐廷杰之兄僞元帥徐杰山僞將軍陳狗四陳法萬劉先達僞先鋒田慶林等軍前正法其拏獲徐廷杰之妻徐盧氏及逆子徐老年等遞解回黔照例辦理統計此次滋事首要各犯均已捕獲到案地方實已一律肅清已經臣疊次飛咨貴州撫臣速委廉能之員蒞任辦理善後楚師業已次第凱撤歸伍矣臣維銅仁之變實因錢糧起釁聞因前任知府浮勒太甚吏胥因緣爲奸以致釀成巨變上年楚軍克復銅仁後若地方官能恤民艱釐定徵收章程與民更始則良善固可相苾以安卽匪徒亦將無詞可藉乃自接署知府王敬烈抵任後辦理一切不協輿情且有縱勇擾民之事以致小民仇視官吏積憤彌深而其地邪匪如燈花教勝喻堂等名目又實繁有徒從而構之一呼而亂者四起前次銅仁旣復之後臣卽咨貴州撫臣遴委賢員猛將來銅蒞任辦理善後乃遲之又久始聞到任到任未久卽復激成事端昨次續經戡定之後臣復飛咨貴州速委廉明之員前來并附奏請

駱文忠奏稿卷五

五

旨嗣貴州撫臣來咨仍令王圖二革員帶罪自效在貴州撫臣之意不過欲藉會同勦辦之名預爲該革員開復處分地步外省陋習臣亦不復過於推求但王敬烈旣係激變獲咎之員再令畱銅辦理若復釀成事端咎將誰執楚軍自出境克復畱兵代防及增兵援勦閱時一年之久用餉至二十餘萬之多無論此後萬難爲

繼卽有可恃之兵練可用之餉需亦不直爲一二貪劣之員收拾此敗壞難支之局昔

仁宗睿皇帝於三省教匪首逆王三槐解

京審訊時有官偏民反之供

聖懷惻然

特諭褒擢廉吏劉清等以風勵天下當時民間聞者感泣至今誦之誠以吏治之貪廉民生之休戚所係舉措之當否民志之從違所分亦卽天下所視爲安危治亂者也隔省官員臣固無從辨其臧否但見聞所及不敢不爲

皇上陳之可否請

駱文忠奏稿卷五

七

旨敕下貴州撫臣速提該革員王敬烈進省查辦另揀賢能之員星速赴任將錢糧章程詳爲釐定以杜亂萌之處伏候

聖鑒訓示施行謹 奏

硃批另有旨欽此

咸豐七年正月初十日內閣奉

上諭駱秉章奏援勦銅仁賊匪一律肅清擒斬首逆一摺貴州銅仁首逆就擒業經孝順蔣霽遠馳奏并將出力各員加恩獎敘惟銅仁府應辦善後事宜前諭令蔣霽遠遴選賢員前往經理茲據駱秉章奏蔣霽遠仍令王敬烈戴罪自效殊屬非是王敬烈不洽輿情且有縱勇擾民情事亟應澈底根究嚴加懲治豈可仍畱任

事爲劣員開倖進之門王敬烈著卽革任交蔣霽遠親提查辦所
有銅仁府印務并著該撫迅派賢員前往接署欽此

駱文忠奏稿卷五

全

籌畫援剿貴州黎平情形摺

咸豐六年十二月二十九日

奏爲調派官軍援剿黎平并陳見在籌辦情形恭摺覆奏事竊

於十一月二十八日欽奉

寄諭前因貴州匪徒未靖業經諭令駱秉章調鎮筵鎮精兵二千名前往銅仁援剿其由川赴黔協剿官兵本有鍾琦所帶一千名嗣復改撥雲南其蔣玉龍等統帶之兵到黔之後多患瘴疫復諭樂斌挑選勁旅一千三四百名由瀘州赴黔聽調本日據御史宗稷辰奏黔楚道梗通政使嚴正基係嚴如煜之子熟悉苗情請飭該員回湖南簡率鄉兵土勇出偏橋進剿并飭四川兵與湖南兵密約夾攻等語嚴正基雖熟悉苗疆形勢但年力漸衰未必卽能得力所請令其管帶兵勇之處著無庸議至湖南大路宜扼偏橋其徑路如鴉喇關等處溪河直通麻哈八寨并三廳五砦皆有山路可通宜用前明朱燮元五道併進之法與今日情形是否相合貴州兵力單薄自應川楚合剿以期迅速藏事著恆春蔣燾遠駱秉章按照該御史所奏體察形勢相機剿辦如果川楚兩路各出奇兵分攻腹背再以黔省主兵與客兵併力殲除則辦理當易得手總宜不分畛域悉心籌畫原摺片均著鈔給閱看將此由五百里各諭令知之欽此十二月初十日復奉

寄諭孝順蔣燾遠奏克復都勻府城請飭催靖永官兵進剿一摺前曾諭令駱秉章酌撥湖南靖永一帶官兵練勇由靖州赴援黎

平嗣據該撫覆奏已調瀏陽東界之丁際可所帶靖勇四百餘名赴靖防剿惟該州兵力單弱未能越境等語自係實在情形見在黔省都勻賊匪雖已退聚八寨而麻哈匪黨尙在附近滋擾黎平僻處東南距貴州省城道路寫遠孝順等鞭長莫及駱秉章向來辦事不分畛域所派鎮守兵勇業在銅仁屢獲勝仗靖州與黎平接壤有無兵勇堪以調派赴援之處仍著酌量情形奏明辦理欽此跪誦之下仰見我

皇上眷念西南綏遠安民至意

臣

前於銅仁賊勢漸衰晃州廳防

剿稍緩之時卽札飭參將萬年新都司侯光裕管帶所部長勝軍千餘名由桃源馳赴靖州嗣因岳州一路兵力尙敷續調守備張

駱文忠奏稿卷五

卒

萬書熊興柏帶所部筭健勇五百餘名由岳州常德繼進銅仁肅清各首逆就擒後又增調補用直隸州知州兆琛募回所部龍勇三百名赴靖會剿合之前調丁際可所部靖勇共二千二百餘名萬年新侯光裕張萬書熊興柏均久經戰陣丁際可籍隸靖州兆琛新自銅仁凱旋於黔苗情形均尙熟悉所帶楚勇多係山谷之民用之於黔省或可期其得力惟靖州處楚省西南極邊距省城千數百里該將備等或自桃源取道沅州會同或自岳州取道常德辰沅一帶前往程途遠隔甫於十一月下旬先後抵靖兆琛尙未接其起程之稟道路遼遠當窘迫之時不能設立糧臺就近支應每省局挪湊二十日三十日餉需則委解一次師行而糧不能

隨殊爲焦急然黔民望救甚殷況欽奉

慈諭諄諄敢不竭蹶圖維以求稍紓

宵旰憂勤之意已札催萬年新等相機進剿矣奉

諭湖南大路宜扼偏橋其徑路如鴉喇關等處溪河直通麻哈八寨并三廳五砦皆有山路可通宜用前明朱燮元五道併進之法與今日情形是否相合并蒙

頒示御史宗稷辰各摺片

臣

謹按山川形勢古今無殊而道路之

通塞險夷則視其時建置因革爲斷故有昔爲要途今屬散地昔屬散地今爲要途者貴州全境民苗雜處古本要荒明代及

國朝雍正以前地方多隸土司部落羣分疆以戎索由楚通黔之

駱文忠奏稿卷五

五

路昔重偏橋未改土歸流之時曾設偏沅巡撫於斯以資控制所謂偏沅者蓋合湖南沅州貴州偏橋衛而名也當時蠻部錯居漢土阻隔有事貴陽必問津鎮遠問津鎮遠必假道偏橋而偏橋一綫縈紆要而兼險偏橋通則楚黔之氣利而貴東一路文報糧餉始無梗阻之虞自分設流官以後土司故土已成內地環邊苗路如梳捫壁攀藤處處皆可騫越不僅鴉喇關等處溪河直通麻哈八寨爲沅水上源有徑可尋已也考明臣朱燮元自蜀征黔師出永甯赤水畢節一帶是爲貴州北徑其時朱燮元以兵部尙書兼督貴州雲南廣西諸軍用前撫臣閔夢得之策五路出師尤得蜀師之力事平仍裂疆域眾建羣蠻不設郡縣與見在情形實有不

同至川楚各出奇兵分攻腹背則爲黔省計自無今昔之殊也抑
臣竊有慮者川楚會剿之策川兵或自酉陽取道銅仁思南或自
重慶取道遵義或自敘州直趨永甯畢節其地皆在貴州北境楚
兵自靖州馳援黎平則在貴州東南一隅聲息不能遙接貴州本
省兵力雖不爲單然營務廢弛已久斷難望其得力川兵在北楚
兵在南黔省之兵又不能從中聯絡是雖有會剿之名仍無其實
也上年銅仁之役臣曾約川省會剿迄未咨覆黔省於川楚軍務
情形亦無一字商及幸及時趨利速進得復郡城若待輾轉咨商
則機宜必致坐誤此事之難者一也黔省之賊有苗有匪兩者勢
皆相聯銅仁之亂匪也而松桃之苗因之而起古州之亂匪也而
黎平之苗因之而起苗之貧苦由漢民重利盤剝所致故其起事
也每以逐客家爲詞匪則旬苗從逆其意不僅在修怨而已痛剿
之後苗尙可撫而匪不可撫且亦不受撫客兵恩惠一過能剿匪
不能安民非本地廉幹有司恩威兼施嚴匪徒而寬良愿其勢必
不能久治黔省吏治軍政久在

駱文忠奏稿卷五

三

聖明洞鑒之中恐禍作將無已時暫雖稍獲安謐亦未敢視爲幸
事此事之難者二也以湖南本省而論湖北暫雖解嚴而江西全
省賊勢尙張出境之師有增無減廣東遺寇尙擾英德清遠東西
之賊經道州零陵擊退後復竄陷興安本省門庭之守雖嚴而藩
籬之憂未艾且防且剿月餉以十數萬計茲復分援黎平道遠餉

艱時虞不逮且苗性反覆無常喜則人而怒則獸自古已然朱燮元之平黔蜀前後十有餘年傳餉之靖楚苗亦經數載逆苗每云不怕官府兵多只怕官府糧多其不能剋期竣事可想有必辦之匪而無可裹之糧倘或曠日需時何堪設想此事之難者三也臣受

恩深重明知時局多艱斷不敢稍存畏難之見苟心力稍有可盡必勉竭駑鈍極力圖維亦惟相機籌辦以求無負

高厚鴻慈而已所有籌畫援勦貴州黎平情形并兩次奉到寄諭覆陳一切謹據實陳奏伏乞

皇上聖鑒訓示施行謹 奏

駱文忠奏稿卷五

三

硃批知道了欽此

